

ԵՐԵՎԱՆԻ ՄԱՍԻՍԻ

ՄԱՅՐ ԱԹՈՒ ՍՈՒՐԲ ԷԶՄԻԱՃՆԻ
ԿՐՈՆԱԿԱՆ, ՄԵԱԿՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

Սուրբ պատարագ և շնորհաբաշխություն Սուրբ Ղևոնդյանց քահանաների տոնի առիթով

Փետրվարի 25-ին Հայաստանյայց Առաքելական Սուրբ Եկեղեցին տոնախմբեց Սուրբ Ղևոնդյանց քահանաների հիշատակը: Այս առիթով Միաձուլված Մայր տաճարում Ն.Ս.Օ.Տ.Տ. Գարեգին Երկրորդ Ճայրագույն Պատրիարք և Ամենայն Հայոց Կաթողիկոսի հանդիսապետությամբ մատուցվեց սուրբ պատարագ:

Սրբազան արարողությանը ներկա էին հայաստանյան թեմերում և եկեղեցական կառույցներում սպասավորող շուրջ 250 եկեղեցական, թեմակալ առաջնորդ, Մայր Աթոռի միաբանությունը և բազմաթիվ հավատավոր հայորդիներ:

Պատարագիչն էր Շիրակի թեմի Գյումրիի Սուրբ Նշան եկեղեցու հոգևոր հովիվ Ս. Նշան քին. Պանֆյուրովը:

Տեր հայրը, իր քարոզում անդրադառնալով օրվա խորհրդին, ընդգծեց, որ Ղևոնդյանց քահանաները Վարդանանց «Վասն հայրենեաց և վասն հաւատոյ» պատերազմի ոգեշնչողները դարձան:

«Ղևոնդյանց և Վարդանանց ոչ միայն մեզ, այլև ամբողջ աշխարհին սովորեցրին, որ երբ մի ժողովրդի հայրենիքն ու հավատքը վտանգի են ենթարկված, ամբողջ ազգը պայքարի դրոշմը պետք է պարզի, ամբողջ ազգը պետք է զինվորագրվի՝ առաջնորդ ունենալով Աստծուն: Հավատքի ու հայրենիքի աստվածապարզ և տեսիլքն ունենալով՝ չվախենա թշնամուց և ունկնդիր լինի ու վստահի Աստվածաշնչի խոսքին: «Նրանցից մի վախեցեք, հիշեցե՛ք մեր մեծագոր և ահարկու Աստծուն և պատերազմեցե՛ք ձեր եղբայրների, կանանց և որդիների, դուստրերի և ձեր տների համար (Նենմիա 4.14)»,- ասաց տեր Նշանը՝ հավելելով, որ Ղևոնդյանց իրենց կյանքի օրինակով այսօր էլ կոչ են ուղղում մեզ՝ պաշտպան լինելու քրիստոնեական մեր հավատքին ու վտանգված հայրենիքին:

Սուրբ պատարագի ավարտին քահանայից դասը մեկտեղվեց Գևորգյան հոգևոր ճեմարանի համադիտությունների դահլիճում: Հավաքի առիթով ողջույնի խոսք ասաց Շիրակի թեմի առաջնորդ և քահանայից հավաքների կազմակերպիչ հանձնախմբի պատասխանատու Ս. Միքայել արք. Աջապահյանը:

Այնուհետև տեղի ունեցավ ավանդական շնորհաբաշխությունը:

Ի գնահատություն Հայոց եկեղեցու անդաստանում երկարամյա վաստակի, նվիրյալ և արդյունավոր հովվական ծառայության՝ մի շարք եկեղեցականների շնորհվեցին ավագ քահանայության պատիվ, ծաղկյա փիղոն և լանջախաչ կրելու իրավունք: Ավագ քահանայության պատվի



արժանացան ԱՄՆ-ի հայոց արևմտյան թեմից Ս. Վազգեն քին. Բոյաշյանը, ԱՄՆ-ի հայոց արևելյան թեմից Ս. Վազգեն քին. Գուգույանը, Ս. Ստեփանոս քին. Դուրդուկյանը, Ս. Գրիգոր քին. Սապունճյանը և Ս. Առաքել քին. Ալեքսյանը:

Ծաղկյա փիղոն կրելու իրավունք շնորհվեց Սյունյաց թեմից Ս. Ահարոն քին. Մելքունյանին, Ս. Շիրակ քին. Խանոյանին, Ս. Ավետիք քին. Մարտիրոսյանին և Ս. Ընծա քին. Միրզոյանին, Շիրակի թեմից՝ Ս. Հարություն քին. Պետրոսյանին և Ս. Տիգրան քին. Մխիթարյանին, Մասյաց տոնի թեմից՝ Ս. Երվանդ քին. Բաբայանին և Ս. Միքայել քին. Նուրիջանյանին, Արթիկի թեմից՝ Ս. Լևոն քին. Հովհաննիսյանին, Գեղարքունյանց թեմից՝ Ս. Ստեփանոս քին. Իգնատիսյանին, Գուգարաց թեմից՝ Ս. Ներսես քին. Ղալաբյանին, Արագածոտնի թեմից՝ Ս. Վազգեն քին. Հովհաննիսյանին, Կրասնոդարի և Հյուսիսային Կովկասի հայոց թեմից՝ Ս. Սուշեղ քին. Խաչատրյանին, Ֆրանսիայի հայոց թեմից՝ Ս. Արշեն քին. Մովսեսյանին, Ս. Բաբկեն քին. Ստեփանյանին, Ս. Սահակ քին. Ղարիբյանին և Ս. Շահեն քին. Նազարյանին, ԱՄՆ-ի հայոց արևելյան թեմից՝ Ս. Հովսեփ քին. Կարապետյանին, Ս. Գաբրիել քին. Մուրադյանին, Ս. Խաչատուր քին. Քեսաբյանին և Ս. Աբրահամ քին. Օհանյանին:

Քահանայական լանջախաչ կրելու իրավունքի արժանացան Մայր Աթոռ Սուրբ Էջմիածնի դիվանատան ընդհանուր բաժնի գործակար Ս. Կոմիտաս քին. Ղևոնդյանը, Երևանի Սուրբ Գրիգոր Լուսավորիչ մայր եկեղեցու հոգևոր սպասավոր Ս. Վազգեն քին.

Անդրեասյանը, Արարատյան հայրապետական թեմից՝ Ս. Վարդան քին. Հայրապետյանը, Սյունյաց թեմից՝ Ս. Դավիթ քին. Գիշյանը, Կոտայքի թեմից՝ Ս. Վարդան քին. Ներսիսյանը, Արագածոտնի թեմից՝ Ս. Նարեկ քին. Սարգսյանը, և ՀՀ շինված ուժերի հոգևոր առաջնորդությունից՝ Ս. Ղևոնդ քին. Հայրապետյանը:

Պարգևաբաշխության ավարտին Ամենայն Հայոց Կաթողիկոսը, Սրբոց Ղևոնդյանց տոնի առիթով իր օրհնությունն ու հայրապետական պատգամը բերելով հոգևորականաց դասին, մեծապես կարևորեց քահանայից հավաքը եկեղեցականաց ոգու զորացման, հոգևոր ծառայության առավել արդյունավորման և ծառայության մեջ նոր առաջնահերթությունների սահմանման առումով:

«Սրբոց Ղևոնդյանց քահանայից տոնն առանձնահատուկ ցուցիչ է հայ եկեղեցականի օրինակելի կերպարի ընկալման և ազգային-եկեղեցական կյանքում նրա առաքելության ու անձնագործի սպասավորության վերաբերման տեսանկյունից», - մեջք Նորին Սրբությունը՝ նկատելով, որ Ղևոնդյանց ու Վարդանանց տոները պատեհ առիթ են խորհելու ազգային ինքնության և արժեքների մասին որպես հայոց ազգի լինելության ու հարատևության երաշխիքներ:

Իր խոսքում Հայոց Հայրապետն ընդգծեց, որ եկեղեցու առաքելության մեջ միաձուլված են հոգեփրկչական ու ազգապահպան ծառայությունները: «Սիրելի հոգևոր հայրեր, դուք գիտեք, թե որքան միաձուլված են մեր առաքելության մեջ հոգեփրկչական ու ազգապահպան ծառայությունները: ➔ էջ 2



Սուրբ Վարդանանց տոնը Մայր Աթոռ Սուրբ Էջմիածնում

Փետրվարի 27-ին Հայաստանյայց Առաքելական Սուրբ Եկեղեցին նշեց Սրբոց Վարդանանց տոնը: Այս առիթով Միաձուլված Մայր տաճարում Ն.Ս.Օ.Տ.Տ. Գարեգին Երկրորդ Ճայրագույն Պատրիարք և Ամենայն Հայոց Կաթողիկոսի հանդիսապետությամբ մատուցվեց սուրբ և անմահ պատարագ:

Պատարագիչն էր Գևորգյան հոգևոր ճեմարանի և Սևանի Վազգենյան հոգևոր դպրանոցի տեսուչ Ս. Շահեն Ժ. վրդ. Ամենայնը:

Սրբազան արարողությանը ներկա էին թեմակալ առաջնորդներ, Մայր Աթոռի միաբաններ և հավատավոր բազմաթիվ հայորդիներ:

Իր քարոզում հայր սուրբն անդրադարձավ Սրբոց Վարդանանց տոնի խորհրդին՝ մասնավորապես մշտելով. «Վարդանանց խորհուրդը մեծ է, մեծ է ոչ թե որովհետև եկեղեցական տոն է կամ մեծ ճակատամարտի հիշատակությունն է, այլ որովհետև բոլորիս մեջ արթացնում է երկու կարևորագույն, մեր գոյության համար անենաանհրաժեշտ հասկացություններ՝ հայրենասիրություն և աստվածսիրություն: 1036 մահատակները հավաքական խորհրդանիշն են այն ամենի, ինչը բոլոր դարերում պակասել է մեզանում և բոլոր ժամանակներում համարվել է գերագույն առաքինություն՝ աստվածսիրություն և հայրենասիրություն:

Վարդանանց խորհուրդն իր բովանդակությամբ մեզ համար դատարկ կլինի, եթե այս երկու



հասկացությունները մենք չկապենք իրար և չհասկանանք, որ Վարդանանց այս երկու սրբազանագույն առաքինությունների համար զոհաբերեցին ամենաթանկը՝ իրենց կյանքը, որով և վկայեցին Քրիստոսին ու իրենց վկայության մեջ միասնական էին:

Սիրելիներ, այս երկու հասկացությունները՝ վկայություն և միասնականություն, լավագույնս բնորոշում են Սրբոց Վարդանանց խորհուրդը»:

Հայր Շահեն նաև միաբանության և ներկա հավատացյալ ժողովրդի անունից շնորհավորեց Վեհափառ Հայրապետին անվանակոչության օրվա կապակցությամբ:

Հավարտ սուրբ պատարագի, հանդիսապետությամբ Մայր Աթոռ Սուրբ Էջմիածնի արտաքին հարաբերությունների և արարողակարգի բաժնի տնօրեն Ս. Նաթան արք. Հովհաննիսյանի, կատարվեց հայրապետական մաղանք:


Հոգևոր դասն ու ժողովուրդը միասնական աղոթք բարձրացրին առ Աստված՝ Ամենայն Հայոց Կաթողիկոսության անսասանության, Մայր Աթոռ Սուրբ Էջմիածնի հավետ պայծառության և Նորին Սրբության կենաց արևշատության ու արդյունավոր հովվապետության համար:



Սուրբ պատարագ և շնորհաբաշխություն Սուրբ Ղևոնդյանց քահանաների տոնի առիթով

էջ 1

Քրիստոնեությունը հայոց ազգի մաշկի գույնն է. այսպես է Սուրբ Եղիշե պատմիչը հանրահռչակում մեր հավատքի և ազգային ինքնության անբաժանելի միասնությունը: Այս ճշմարիտ հաստատումը դարձել է ազգային մեր դավանանքի հիմնական և առանցքային համոզմունքներից ու գաղափարներից մեկը: Հետևաբար՝ հայությանը հոգևոր նկարագրով, ազգային դիմագծով ամուր պահելու և մեր ժողովրդի միաբանությունն ու լուսավոր գալիքը ապահովելու համար պետք է զորացնել ու պաշտպանել մեր սուրբ հավատքն առ Աստված: Հավատքը պարզապես Աստծու գոյության ճանաչումն է, այլ այն իրականության ընդունումը, որ Աստված հարատև ներկա է մեր կյանքում, և մենք պատասխանատվություն ունենք Աստծու առջև: Հավատքը Աստծու պատվիրաններին հավատարմությունն է, հավատքը բարոյական սկզբունքներին ու Քրիստոսի վարդապետությանը հետևելու անընդմիջելի ընթացքն է: Հավատքը անխախտ հիմքն է ամուր ընտանիքի, ամուր հասարակության, որտեղ գերակայում են արդարությունը, համերաշխությունը, սերը և գործակցությունը:



Նորին Սրբությունն անդրադարձավ նաև հայրենիքի ու աշխարհասփյուռ հայության առջև ծառացած մարտահրավերներին՝ պայմանավորված ոչ միայն Արցախի կորստով, հազարավոր զոհերով, անհայտ կորած և տակավին գերության մեջ գտնվող հայորդիներով, այլև մեր կյանքում հայի ինքնության բաղադրիչների թիրախավորմամբ և աղճատմամբ:

Այս առնչությամբ Հայոց Հովվապետը նշեց.

«Արդ, հարկ է մեր ժողովրդի մեջ հաստատուն պահել դարերով նվիրագործված արժեհամակարգի, հայրենիքի, Հայոց եկեղեցու, մեր սրբությունների, մեր պատմական անցյալի վերաբերյալ ճիշտ ընկալումները: Այս ճանապարհով է հնարավոր հզորացնել մեր պետությունը, նպաստել հայրենական կյանքի բարօրությանն ու ապահովությանը: Այս ճանապարհով է հնարավոր ամրապնդել հասարակության մեջ համերաշխության ոգին,

պաշտպանել ազգային շահերն ու հիմնարար իրավունքները թե՛ երկրի ներսում և թե՛ երկրից դուրս: Այս նպատակների իրագործման համար մեզ մախ և առաջ պետք են առավել նվիրում ու քաջություն, ազգին ու հայրենիքին ծառայելու բարձր գիտակցություն և համձնաշունչություն»:

Ամենայն Հայոց Կաթողիկոսը հորդորեց եկեղեցականներին Ղևոնդյանց քահանայից նմանությամբ ծառայել ու գործել և հոգևորականին հարիր խոսքով ու վարքագծով լինել կենդանի քարոզություն հավատացյալների համար, մեծապես ուշադիր լինել, որ ոչ միայն չմխավի դարերի վաստակը, այլև նորանոր ծեռքերումներով ավելանա մեր մախնիների փառքը՝ ի շահ ազգի ու հայրենյաց և ի պայծառություն մեր Սուրբ եկեղեցու:

Վերջում Նորին Սրբությունը, մեկ անգամ ևս իր հայրապետական օրհնությունն ու զմահատանքը բերելով ողջ հոգևոր դասին, աղոթք բարձրացրեց առ Աստված, որ Երկնավորի եկվաճու ներքո խաղաղության, սիրո և համերաշխության շնորհներն առատաման ողջ աշխարհում, համազգային և հայրենական մեր կյանքում:

Հավաքը եզրափակվեց Հայոց Հովվապետի «Պահպանիչ» աղոթքով:

ԸՆԴՈՒՆԵԼՈՒԹՅՈՒՆՆԵՐ ՎԵՀԱՐԱՆՈՒՄ Ամենայն Հայոց Կաթողիկոսն ընդունեց



Փետրվարի 26-ին

Վերապատրաստման դասընթացների մասնակից եկեղեցականներին

Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսն ընդունեց եկեղեցականների վերապատրաստման հերթական դասընթացներին մասնակից քահանաներին, որոնք ժամանել են Հայաստանի և Սփյուռքի տարբեր թեմերից:

Հայոց Հովվապետը, իր հայրական օրհնությունը բերելով հոգևոր հայրերին, կարևորեց վերապատրաստման դասընթացները, որոնց շրջանակներում հոգևորականները հնա-

րավորություն են ստանում հարստացնելու աստվածաբանական իրենց գիտելիքները, վերանորոգելու իրենց ուխտը, զորանալու Սուրբ Էջմիածնի խորհրդով, միմյանց ներկայացնելու իրենց փորձառությունը և ամրապնդելու միջհամայնքային կապերը, որոնք կնպաստեն իրենց առաքելության առավել արդյունավորմանը:

Անդրադառնալով հայ ժողովրդի առջև ծառացած մարտահրավերներին՝ Ամենայն Հայոց Կաթողիկոսը հորդորեց քահանա-

հայրերին պատասխանատվության մեծ զգացումով, արիաբար և անսակարկ նվիրումով լծվել առկա հիմնախնդիրների հաղթահարմանը, ուղղորդել ազգի զավակներին հավա-

տի և ճշմարիտ արժեքների ճանապարհով՝ ի զորացումն Հայաստանյայց Առաքելական Սուրբ եկեղեցու և ի բարօրություն հայ ժողովրդի:

Փետրվարի 28-ին

ՀՀ-ում Իտալիայի Նորանշանակ դեսպանին

Ամենայն Հայոց Կաթողիկոսն ընդունեց Հայաստանի Հանրապետությունում Իտալիայի Հանրապետության նորանշանակ արտակարգ և լիազոր դեսպան Ալեսանդրո Ֆերրանտինին:

Հայոց Հովվապետը, շնորհավորելով դեսպանին դիվանագիտական առաքելության ստանձման առիթով, մաղթեց արդյունավոր գործունեություն՝ ի նպաստ հայ-իտալական բարեկամական հարաբերությունների առավել զորացման:

Ամենայն Հայոց Կաթողիկոսը նշեց, որ երկու ժողովուրդների բարեկամությունն ունի պատմական խոր արմատներ, որի ամրապնդման գործում այսօր էլ կարևոր դերակատարություն ունեն Հայաստանյայց Առաքելական և Հռոմի Կաթոլիկ եկեղեցիների ջերմ փոխհարաբերությունները:

Իր խոսքում Հայոց Հովվապետը մտահոգությամբ անդրադարձավ Հայաստանի նկատմամբ Ադրբեյջանի շարունակական ոտնձգություններին, Բաքվում մինչ օրս պահվող հայ ռազմագերիների վերադարձման խնդրին, Արցախի հոգևոր-մշակութային ժառանգության ոչնչացման և յուրացման



քաղաքականությամբ: Այս առնչությամբ Նորին Սրբությունը կարևոր նկատեց միջազգային հանրության հստակ դիրքորոշումը Ադրբեյջանի ծավալապաշտական նկրտումների դատապարտման և կանխման գործում:

Իր հերթին դեսպան Ալեսանդրո Ֆերրանտինը, խոսելով Հայաստանից ստացած իր տպավորություններից, հավաստիացրեց Վեհափառ Հայրապետին, որ ջանքեր կգործադրի առավել խորացնելու և ընդլայնելու հայ-իտալական հոգևոր-մշակութային համագործակցությունը տարբեր ոլորտներում:

Նոր նշանակումներ

Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի հայրապետական տնօրինությամբ կատարվել են եկեղեցականների նոր նշանակումներ:

Հոգեշնորհ Տ. Ոսկան արք. Ոսկանյանը ծառայության է նշանակվել Մայր Աթոռ Սուրբ Էջմիածնի միջեկեղեցական հարաբերությունների բաժնում, իսկ Արժանապատիվ Տ. Աշոտ քնն. Աբրահամյանը ծառայության է

կոչվել Ավստրալիայի և Նոր Զելանդիայի հայոց թեմում:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի



Գիրք նվիրելու օրը Սուրբ Էջմիածնի մատենադարանում

Գիրք նվիրելու օրվա առիթով Մայր Աթոռ Սուրբ Էջմիածնի «Վաչե և Թամար Մանուկյան» մատենադարանում կայացավ ցերեկոյթ՝ ՀՀ Արմավիրի մարզի հայ համայնքի «Մշակույթի և սպորտի կենտրոն»-ի հետ համագործակցությամբ:

Միջոցառումը մեկնարկվեց Տերունական աղոթքով և ՀՀ ազգային օրհներգի կատարմամբ:

Ողջույնի խոսքով հանդես եկավ Մայր Աթոռ Սուրբ Էջմիածնի «Վաչե և Թամար Մանուկյան» մատենադարանի տնօրեն Տեր Արարատ քնն. Պողոսյանը: Շնորհավորելով ներկաներին օրվա առիթով՝ տեր հայրը նշեց՝ աներկբա ճշմարտություն է, որ ավետարանական «ոչ միայն հացիվ, այլ նաև

բանիվ»-ի նախանշմամբ մարտունակ են և պատերազմում հաղթում են այն բանակները, որոնք սպառնալիքներ են ոչ միայն արդիական գեներոլով, այլև գիտելիքով ու հոգևոր ուժով:

Օրվա խորհրդի շրջանակներում բանախոսությամբ հանդես եկավ ՀՀ ԳԱԱ Մ. Աբեղյանի անվան գրականության ինստիտուտի առաջատար գիտաշխատող, թուրքալեզու, բ. գ. դ. Սուսաննա Հովհաննիսյանը:

Միջոցառմանը թուրքալեզուների ասումներով և ինքնատիպ երաժշտական կատարումներով հանդես եկան հայ համայնքի «Մշակույթի և սպորտի կենտրոն»-ի եմբակայության ներքո գոր-

ծող երգչախումբը և անհատ կատարողներ (խմբավարներ՝ Անի Ավագյան, Աբրահամ Մելիքյան, Սոնա Շահբազյան):

Միջոցառումն ամփոփվեց Մայր Աթոռ Սուրբ Էջմիածնի արարողակարգային և արտաքին հարաբերությունների բաժնի տնօրեն Տ. Նաթան արք. Հովհաննիսյանի օրհնության խոսքով:

Հավատարիմ մնալով օրվա խորհրդին՝ Մայր Աթոռ Սուրբ Էջմիածնի մատենադարանի, Ս. Էջմիածնի հրատարակչության և հայաստանյան Աստվածաշնչային ընկերության կողմից իրականացվող նվիրվեց հոգևոր և հայագիտական գրականություն:

Նույն օրը շուրջ երկու հարյուր անուն գրականություն նվիրվեց Զինվորի տանը:

Տերեկույթ՝ նվիրված Ռուբեն Սևակի ծննդյան 140-ամյակին

Մայր Աթոռ Սուրբ Էջմիածնի՝ Ռուբեն Սևակի անվան թանգարանում փետրվարի 23-ին տեղի ունեցավ միջոցառում՝ ի նշանավորումն գրողի հոբելյանի: Միջոցառմանը ներկա էին հոգևորականներ, ՀՀ ԳԱԱ-ի հայ մոր և նորագույն գրականության և նրա դասավանդման մեթոդիկայի ամբիոնի դասախոսներ, բանասիրական ֆակուլտետի ուսանողներ, մշակույթի գործիչներ:

Գրողի կյանքն ու գործը վերաբերվող բանախոսությամբ և ելույթներով հանդես եկան ՀՀ ԳԱԱ-ի պրոֆեսոր, բ. գ. դ. Սուրեն Դանիելյանը, Մայր Աթոռ Սուրբ Էջմիածնի արխիվի և թանգարանների տնօրեն Տ. Ասողիկ արք. Կարապետյանը, Ռուբեն Սևակի անվան թանգարանի տնօրեն Տ. Սևակ քնն. Սարիբեկյանը, գրող, հրապարակախոս Գայանե Աթանեսյանը: Սևակի բա-

նաստեղծություններից ասումներցին Գաբրիել Սունդուկյանի անվան ակադեմիական թատրոնի դերասանները, հնչեցին երաժշտական լուրջ կատարումներ:

Հանդիսությունն ամփոփեց և օրհնության խոսք հղեց Մայր Աթոռի արտաքին հարաբերությունների և արարողակարգի բաժնի տնօրեն Տ.Նաթան արք. Հովհաննիսյանը:



Լուրեր թեմերից

22 գնդերեց Սուրբ Սարգսի տոնի առիթով պարզևատրվեց Արարատյան հայրապետական թեմի առաջնորդարանում



Ամենայն Հայոց Հայրապետի օրհնությամբ և Նավասարդ արք. Կոնյանի նախաձեռնությամբ Սուրբ Սարգսի տոնի առիթով Արարատյան հայրապետական թեմի առաջնորդարանում փետրվարի 16-ին տեղի ունեցավ գնդերեցների պարզևատրման ու խրախուսման արարողություն: Հանդիսությամբ ներկա էր նաև ՀՀ ԶՈՒ հոգևոր առաջնորդ Մով-

սես վրդ. Սարգսյանը: Գնդերեցներին ուղղված գնահատողական, ոգեկոթող խոսքով հանդես եկան Արարատյան հայրապետական թեմի առաջնորդական փոխանորդ Տ. Նավասարդ արք. Կոնյանը, Տ. Շահե քնն. Հայրապետյանը: Նավասարդ արք. Կոնյանի կողմից պարզևատրվեցին հանդիսությանը մասնակից 22 գնդերեցները: Պարզևատրման արարողությունը

ամփոփվեց համերգով: Երաժշտական կատարումներով հանդես եկան Արարատյան հայրապետական թեմի «Ճաղկախումբ» համախումբը, Երևանի Ռոմանոս Մելիքյանի անվան պետական երաժշտական քոլեջի երգչախումբը, Օպերային թատրոնի մեներգիչ, միջազգային մրցույթների դափնեկիր Հովհաննես սրկ. Ներսիսյանը:

Արցախյան շարժումն անցյալում ավարտված իրողությունն է

Միլեթի հավատավոր զավակներ: 37 տարի առաջ՝ փետրվարին, սկիզբ դրվեց հայոց նորագույն պատմության փառահեղ էջերից մեկին՝ Արցախյան շարժմանը: Ժողովրդական կամքի և տոկունության, պայքարի ոգու և անձնավորումի բացառիկ դրսևորում էր Արցախյան շարժումը: Հիմնականում, Արցախը վանդակել էր միանգամայն արհեստականորեն ստեղծված ադրբեջանական պետության կազմում՝ իր ծայրը բարձրացնել և ազգովին զինվորագրվել հանուն բաղձալի ազատության, արդարության և մայր հայրենիքին վերամիավորվելու երազանքի իրականացման: Արցախը գիտեց բոլորս՝ Արցախի անկախ պետականության ստեղծումը և մաքառումների գնով դրա պահպանումն ու գործարկումը:

Արցախյան շարժումը, բացի ազգային համախմբման ճանապարհով անկախության ու համագալին խնդիրների իրականացման գործում ունեցած անգնահատելի նշանակությունից, նաև իր կա-

րևոր տեղն ունի հայի հոգևոր արժեքների հարթությունում: «Արդարների փրկությունը Տիրոջից է, նեղության ժամանակ Նա է նրանց օգնականը» (Սաղմ. 36: 39),– փոխանցում է սաղմոսերգուն: Շարժումը, որի հաջողությամբ շատ քչերն էին աշխարհում հավատում, և որը պատմաբար Դավիթի և իսկա Գողիաթի պայքար էր ինչեցնում, հայության՝ Աստծո հանդեպ խոր հավատքի և այդ հավատքից բխած արդարության ծարավի արտահայտումն էր: Հենց այս իրադարձությունները խթան հանդիսացան, որ 1989 թվականին Վազգեն Ա Հայոց երջանկահիշատակ Հայրապետի սրբատառ կոնդակով վերաբացվի Հայաստանյայց Առաքելական եկեղեցու Արցախի թեմը:

Միլեթիներ, մենք այսօր ճաշակում ենք հոգևորի ու ազգայինի անկումի, պարտության, Արցախի տարածքային կորստի ու հայության բռնագաղթի դառնությունը: Միևնույն ժամանակ մեզանից շատերն ակնատեսն են եղել հոգևոր ու ազգային վերագործնքի այդ օրերին, շատերս ունեցել ենք վեհության զգացումի պահեր, տեսել ենք հայի ոգու վերելքը: Հավաքական զոհողության պատրաստա-

կամությունը և այդ զոհողության պտուղներին հավատալը 1988-ին հիմք հանդիսացան Արցախի անկախության ձեռքբերման համար: Դա նշանակում է, որ մեր հավաքական խնդիրների լուծումը պետք է մեր ներսում փնտրենք: Մեր ժողովուրդն արդեն ապացուցել է, որ ունակ է քաջագործության հոգաքի, և այսօրեական դժվարությունները չպետք է կոտրեն մեր մեջ ամենակարևորը՝ հավատն Աստծո արդարության գործության ու մեր ուժերի հանդեպ: Եղբ վստահ, որ Տիրոջ օգնությունը չի ուշանա, ինչպես չուշացավ սրանից տասնամյակներ առաջ, եթե մենք կրկին վերագտնենք մեր արժեհամակարգը, միավորենք ժողովրդի ջանքերը՝ մշակութային միջև քաղաքական գործիչներ, եկեղեցականից մինչև զինվորական, մշակից մինչև մտավորական: Հոգևոր արժեքների շուրջ միավորումն է եղել մեր ազգային իղծերի իրականացման ուղին և է այսօր և լինելու է վաղը:

Այսօր մեզ մնում է ապրել և գործել դեպի Արցախ հավաքական վերադարձի հավատով ու սպասումով: Վերադարձի սպասումով է մեր ժողովուրդը մնում միասնական ու տոկուն՝ անկախ արտաքին հան-



գամանքներից: Այդ սպասումն է մղում մեզ բոլորիս՝ աղոթելու, որ գալիքն ավետաբեր լինի, և որ Քրիստոսով հաղթական վերադարձ ունենանք հայրենյաց երկիր: Եվ չպետք է մոռանալ, որ թշնամական գերության մեջ են գտնվում Արցախի պետական այրերը՝ անկախության խրոհուրդն իրենց մեջ կրող անձերը, և որ այդ նույն սպասումով բոլորս պարտավոր ենք ջանալ նրանց ազատության և վերադարձի համար:

Մեր աղոթքն ու մաղթանքն է, որ 37 տարի անց ևս Արցախյան շարժման վեհ գաղափարները չհաղարեն մեր գիտակցության մեջ, այլ շարունակեն լինել մեզ ուժ ու եռանդ տվող մղիչ ուժ, որպեսզի մենք՝ որպես սերունդ, արժանի լինենք կրկին փարվելու Արցախին, մեր հարազատ հողին ու ջրին, մեր սրբություններին ու հայրերի ավանդյալ արժեքներին:

Արցախի թեմ

Վարդանանց շարժման կարևորությունը

Ինչհիվ է Վարդանանց շարժումը կարևոր: Նախ մի մասնավոր դիտարկում կուզենայի անել. մենք չպետք է պատմական իրադարձությունները կտրենք տվյալ ժամանակաշրջանի համատեքստից: Եթե ենք մի որևէ իրադարձություն ենք մեկնաբանում, ապա պետք է հասկանանք, թե դրանից առաջ ու հետո ինչ իրավիճակ էր, և փորձենք պատմական իրադարձությունների միջև կապը, փոխազդեցությունները տեսնել: Ուստի երբ խոսում ենք Վարդանանց իրադարձությունների մասին, պետք է շատ կարևոր մի հանգամանք հաշվի առնենք.

Վարդանանց շարժումն անմիջական կապ ունի երկու առանցքային, շրջադարձային իրադարձությունների հետ, որոնք մեր գլոբալիս պատմության սկիզբն են դնում հայ իրականության մեջ, հայ կյանքում: Դրանցից առաջինը վերաբերում է 301 թ. հայոց դարձին, երբ քրիստոնեությունը Հայաստանում հռչակվեց իբրև պետական կրոն, և երկրորդը՝ 405 թ. գրեթե գյուտին: Այս երկու իրադարձությունները՝ հայոց դարձը և ազգային գրի ստեղծումը, անմիջական, օրգանական կապ ունեն միմյանց հետ: Վարդանանց

այս իրադարձությունների լույսի ներքո մեկնաբանել, որոնցով մեր ազգային ինքնության, ազգային պատմության սկիզբն էր ազդարարվում: Հետևաբար՝ Վարդանանց շարժումով մեր հավատարմությունն էր հայտնվում այդ երկու կարևոր իրադարձություններին, այսինքն՝ Վարդանանց շարժումով վերահաստատվում էր շարունակականությունն այն գծի, որ սկզբնավորվել էր հայ իրականության մեջ: Այլ խոսքով՝ Վարդանանց զախի էին ասելու, որ մենք մեր բռնած ընթացքից, որը մեր ինքնուրույնության, մեր անկախության, մեր պետականության մեկնակետն էր դարձել, չենք հրաժարվի, անկախ նրանից, թե արտաքին ճնշումներն ինչն չափեր կընդունեն: Այս սիմոնով՝ Վարդանանց շարժումով հայի լինելության, գոյության հարցն էր վճռվում: Ուստի Վարդանանց շարժումը չի կարելի իր պատմական համատեքստից կտրված մեկնաբանել, այլ պետք է միշտ նկատի ունենալ՝ 301 թվականը, և՛ 405-ը: Եվ չպետք է պատահական համարել այն հանգամանքը, որ երբ քրիստոնեությունը պետական կրոն հռչակվեց, և առավել ևս երբ գրեթե գյուղը տեղի ունեցավ, ազգային այրուբն ու մշակույթ տնտեջվեց մեր սուրբ վարդապետների ջանքերով ու նախանձախնդրությամբ, Պարսկաստանն ավելի ուժեղացրեց կրոնական ճնշումը Հայաստանի նկատմամբ: Ու մենք իիշում ենք, որ անգամ Դարսում Պարսկաստանը փորձ էր անում հայ պարսկամետ նախադրանքին սիրաշահելու միջոցով մագդեզականությունը զորացնել Հայաստանում: Եվ ունենք դրա լավագույն վկայությունները Փավստոս Բուզանդի պատմության մեջ՝ ի դեմս Վահան Մամիկոնյանի և Մերուժան Առժողունո:

Րաֆֆու «Սամվել» վեպը հենց այդ իրադարձությունների հիման վրա է շարադրվել: Սամվելը Վահան Մամիկոնյանի որդիներից մեկն էր, որը սպանեց և՛ հորը՝ Վահան Մամիկոնյանին, և՛ հոր կնոջը: Ոչ թե իր սեփական մորը, այլ հոր կնոջը՝ Որմիզդուխտին, որը Պառ-



Գրիգոր Խանջյան, «Վարդանանք» գորգանկարը, 1983 թ: Ստեղծվել է Վազգեն Ա Ամենայն Հայոց Կաթողիկոսի պատվերով:

սից Շապուհ արքայի քույրն էր: Այսինքն՝ եթե մեկը ծանոթ է Դ-ե դր. Պարսից տերության՝ Հայաստանի համդեպ քաղաքականությանը՝ ապա պիտի հասկանա, որ Պարսկաստանը երբեք չէր հրաժարվել կրոնական գործունե միջոցով՝ ազդեցությունը Հայաստանի վրե մեծացնելու նկրտումներից: Եպատահական չէր բնավ, որ այս քաղաքականությունն առավել զորանում էր, երբ Հայաստանը ներքին և արտաքին ազդեցությունների ներքո թուլանում էր, ինչպես որ եղավ՝ հատկապես 428 թվականին՝ Հայաստանի բաժանումի հետո: Այս լույսի ներքո պետք հասկանալ, թե ինչու Պարսկաստանի կողմից կրոնական ճնշումն առավել մեծ ծավալների հասան և պարտադրվեց կրոնապիտուքուն հատկապես գրեթե գյուտի հետո, երբ ամենուր հայկական դպրոցներ բացվեցին, երբ մոխումի մեջ մտավ թրիստոնեության պետականացմամբ սկզբնավորված ազգային ինքնության, ազգային պատմության կերտման շարժումը: Որովհետև արդեն ունեին սեփական գիր, Հայաստան լիարժեքորեն կարող էր այդ պատմական միջավայրում անկախ լինել և՛ կրոնական, և՛ մշակութային համատով, որ շատ կարևոր էր քաղաքական անկախություն ունեցնելու տեսանկյունից, չասելու համար, թե կենսական էր:

Եվ երբ հայկական կողմից դիմադրություն եղավ, ինչ արեց Չազկերտը: Ընդդիմադիր նախարարներին ուղարկեց Կենտրոնական Ասիա՝ իրենց թշնամիների դեմ պատերազմելու, իսկ Չայաստանի ներսում ծանրացրեց հարկային լուծը: Այսինքն՝ գործարկում էր մասեն միջոց, որ Չայաստանը հրաժարվի իր պետականակերտման ուղուց: Իսկ այդ պետականակերտման երկու կարևոր հիմնախարիսխներն էին ազգային եկեղեցին և Սահակմեսրոպյան շարժումը՝ լեզուն: Ինչո՞ւ ենք մենք ինքնության մասին խոսելիս շեշտում լեզվի կարևորությունը, որովհետև ինքնության կարևոր, առանցքային գործոններից մեկը սեփական լեզուն է:

Պարսիկները, երբ արդեն հաւկացան, որ Յայաստանն այլևս լիաթփէք անկախութեան ուղին է բռնել, ուզում էին ամեն գնով շեղել մեզ այդ ընթացքից: Յայակաւան դպրոցներն արդեն փակվում էին, որովհետև մենք թվով մազոեղական քահանաներ էին ուղարկվել Յայաստան, որպէսզի Յագկերտի ծրագիրն իրագործեն. պատմիչների վկայութեամբ՝ քանդվում-վերվում էին մաս եկեղեցիներն ու սրբատեղիները: Տարբեր վարերուն բացվում էին տաճարներ, իմնվում ատորուշաններ, որպէսզի մագոեղական կրօնն արմատավորվի: Ուրեմն պիտի հրաժարվէինք և՛ հավատից, և՛ լեզվից, հայ դպրոցից առհասարակ, մենք ազատութիւնից և վերջապէս այն կարևոր գործոններից, որոնց վրա կառուցվում էր հայ պետականութիւնը՝ անկախ Յայաստանի տեսականը: Պատկերացրէ՛ք եթե նրանց հաջողվեր մեզ դավանափոխ անել, ի՞նչ պիտի լինէր այնուհետև: Արիւմանաց շարժումը կանխէց այդ արհավիրքը:

Միշտ հակադրում են Վարդա-
նին ու Վասակին. Վասակին հա-
մարում են մեծ դիվանագետ։
Պատճառը, թե ինչու են այդ թեզը
խորացնում է հատկապես հասա-
րակության տարբեր շերտերի մեջ
աստիճանաբար այն մտածողու-
թյունը ձևավորում, թե Վարդանը
բախտախնդիր էր, իսկ Վասակը
դիվանագետ, կարող է պայմա-
նավորված լինել այն համգնամա-
քով, որ այդ թեզը, չեն խուսափի
ասել, գուցե հովանավորվում է
մեզ թշնամի պետությունների կող-
մից։ Այդ թեզը ոմանք կարող են
առաջ բաշել նաև ինքնատիպ լի-
նելու կամ հակադրվելու մղումից
(կան, չէ՞, մարդիկ, որ սիրում են
հակադրվել)։ Այդ թեզը կարող է
և առաջ բաշվել ոչ համակողմանի
ուսումնասիրության արդյունքում։
Են գիտեմ նաև, որ որոշ պատմա-
բաններ, օրինակ՝ Ն. Աղոնյան, փոր-
ձել են անաչառ զնահատական
տալ պատմական իրադարձու-
թյուններից։ Ուստի եկեք տեսնենք,
թե ուր կտանքեր Վասակի ճանա-
պարհը, և ուր տարավ Վարդան
Մամիկոնյանին։

Նախ՝ Վասակին մեկնաբանելուց առաջ պետք է հաշվի առնել որոշ համգամանքներ: Իմ բոլոր ասածները, ի դեպ, հիմնված են պատմական աղբյուրների վրա: Վասակը 11 տարեկանից մինչև 17-ը պարսից արքունիքում էր մեծացել՝ պարսկական միջավայրում: Այա Վասակի անվան հետ է կապվում նրա հորեղբոր՝ Վաղինակ Սյունու սպանությունը: Եվ որոշ պատմաբաններ պատահական չեն համարում, որ միայն դրանից հետո Վասակը, որ 17 տարեկան էր, դարձավ Սյունյաց տաճկաներ: Երրորդ՝ չնոռանաք, որ Սյունիքը սահմանակից էր Պարսկաստանին: Մենք գիտենք, որ Ա՝ Զոռնեական կայսրությանը, Ա՝ Պարսկաստանին սահմանակից հայկական մահմանդները հռոմեական կամ պարսկական քաղաքական ազդեցություններից չէին խուսափում, մանավանդ երբ երկուսն թուլանում էր կենսական կապի իշխանությունը:

Հաջորդ հանգամանքն այն է, որ երբ ուսումնասիրում ես Վասակ Սյունու կերպարը, տեսնում ես, որ այն հակապակասն է: Նա ունի և՛ բացասական, և՛ դրական կողմեր: Օրինակ՝ դրական կողմերից է այն, որ նա հայկական դպրոցներ բացելու հարցում համագործակցել է Մեսրոպ Մաշտոցի հետ՝ պատմական աղբյուրների իսկ վկայությամբ: Սակայն նույն անձնավորությունը Պարսկաստանի հետ հակամարտության ամենաթեժ պահին, երբ արդեն Վարդանանց կողմից ազատագրական պայքար էր սկսվել, ու այդ պայքարին, ի դեպ, ոչ միայն Հայաստանն էր միացել, այլև Վրաստանն ու Աղվանքը, պառակտում է առաջացնում հայկական բանակում, որը բաժանվում է երկու մասի՝ վասակյանների և վարդանանց: Կարծես եմ՝ յուրաքանչյուր պատմաբան հասկանում է, որ պայքարի ժամանակ ճամբարը պառակտելը չի խոսում մարդու պետականամետ մտածողության մասին: Եվ մեկ այլ կարևոր հանգամանք է, որ բավարար չափով նկատի չի առնվում և մեկնաբանվում Վասակի ուղեգիրը պաշտպանող պատ-

մաքանցների կողմից: Հակառակ այն բանի, որ Վասակը փորձեց ամեն կերպ խոչընդոտել Վարդանանց ազատագրական պայքարը, ամեն դեպքում նա ձերբակալվեց իր համախոհների հետ, տարվեց Տիգրեռն և վերջում մահապատժի ենթարկվեց:

Տեսնե՞ք՝ Վարդանի ուղեգիրն
 ինչ է ասում. որ պետք չէ վստահել
 պարսկական իշխանություններին,
 որովհետև նրանց նպատակն է
 Հայաստանի վերջնական միացու-
 մը Պարսկաստանին: Չպիտի մո-
 ճամանք, որ 451 թվականից առաջ
 տեղի էր ունեցել Հայաստանի բա-
 ժանումը. 428-ին Հայաստանը բա-
 ժանվեց երկու մասի՝ հռոմեական
 և պարսկական տերությունների
 միջև. Արևմտյան Հայաստանը
 շուտով հռոմեականացավ, պար-
 սիկներն էլ ձգտում էին իրենց իշ-
 խանության ներքո գտնվող Արևե-
 լահայաստանը պարսկացնել, իսկ
 դրան հասնելու առաջին գործիքը
 գորաղաշտականությունն էր, որը
 մեզ գրկելու էր ի՛ մեր հավատքից,
 ի՛ մեր կրիք՝ ազգային գոյաբանու-
 թյան կարևորագույն գործոննե-
 րից: Ի վերջո դա մեզ պարսկաց-
 նելու էր: Եվ մենք տեսնում ենք
 Վարդանանց պայքարի արդյուն-
 քը, որը պետք է գնահատել 484 թ.
 Նվարսակի պայմանագրով, երբ
 պարսիկները, իրոք, գնացին զիջ-
 մամ հասկնամալով, որ իրենց ծանր
 առաջադրանք են դրել իրենց առ-
 ջև (նկատի ունեն կրոնափոխու-
 թյունը), որի համար թանկ գին
 պիտի վճարեն: Նաև նկատի ունե-
 նալով այն, որ հեփթաղների հետ
 պատերազմի մեջ են ներքաշված,
 պարսիկները իրաժարվեցին հա-
 յերին կրոնափոխ անելու մտքից:

Միևնույն ժամանակ չպետք է մոռանալ, որ Վահան Մամիկոնյանին (որի միջոցով կնքվեց Նվար-սակի պայմանագիրը) հաջորդած ութ մարզպանների օրոք էլ Պարսկաստանը երբեք չհիրաժարվեց հայ ժողովրդին կրոնապիտի անելու գաղափարից: Երբ բռնության տարբերակով չէր ստացվում դա, փորձում էին սիրաշահել կամ այնպիսի պայմաններ ստեղծել, որ հայերն ստիպված տեղի տան: Բայց եկեղեցին, որ մեր պետականության կարևոր հիմնապատկերն է, արդեն վաղի ամրացած վիճակում էր, ունեինք ազգային դպրոցներ, ազգային ինքնությունը բավականին բարձր մակարդակում էր: Տեսե՛ք՝ ո՛ր հասցրին մեզ Վարդանանք. Վարդանանք հասցրին նրան, որ Պարսկաստանն արդեն հրաժարվեց Հայաստանը դավաճանափոխ անելու, հայրությանը պարսկացնելու իր ծրագրից:

Իսկ Վասակի տարբերակն ընդ էր տանելու: Ընդունենք, թե մենք դավաճափոխ էինք լինելու: Իսկ հետո ի՞նչ էր լինելու: Մենք տեսնում ենք արաբական արշավանքի հետևանքները Պարսկաստանում. Պարսկաստանն իսլամացավ, և գիտնականներն են փաստում, որ երբ Պարսկաստանն իսլամացավ, մի հսկայական հշակույթ ոչնչացվեց: Եթե մենք հաշտվեինք պարսկական ծրագրի՝ Պարսկաստանի քաղաքական ուղեգծի հետ, հաջորդիվ պիտի հաշտվեինք արաբական լծի հետ: Եվ մենք տեսնում ենք, որ ինքնուրույն ու պետականության համար պայքարը, հակառակ դժվարություններին, պսակվել է հաղթանակով, երբ մենք չենք համձնվել: Եվ մենք այսօր կանք...

ՀԱՅՈՑ ԵԿԵՂԵՑԻՆ՝ ՎԱՍՆ ՀԱՅՐԵՆՅԱՆ

Սուրբ Ղևոնդյանը՝ Ավարայրի ոգի

*Քահանայք պատուեալք
օծմամբ Սուրբ Հոգւոյն. նա-
խակարգեալք յառաջնորդու-
թիւն փափագողաց վերնոյ
յարկին եւ անպատում պատ-
րաստեալ բարեացն. այսօր
փութացան ելանել ի նոյն
(Շարակնոց):*

451 թվականի մայիսի 26-ը հա-յոց աշխարհի պատմական վճռո-րոշ օրերից մեկն է. Ավարայրի դաշտում այդ օրը հայ ժողովուրդը կենաց ու մահու պայքարով լուծեց իրեն պարտադրված գոյաբանա-կան խնդիրը:

Պարսից Հազկերտ Երկրորդը, ցանկանալով իր տիրապետության տակ գտնվող քրիստոնյա ժողո-վուրդներին մեկընդմիջտ կտրել Բյուզանդական կայսրությունից, որոշում է զրադաշտականություն հաստատել նրանց շրջանում՝ կրո-նական առումով անջրպետ ստեղ-ծելով կայսրության հնարավոր քաղաքական և ռազմական միջամ-տությունների դեմ: Իր այս քաղա-քականությունն իրագործելու ճա-նապարհին Հազկերտը ամենամեծ արգելքը համարում էր Հայաստա-նը, և 447 թ. աշխարհագիր անց-կացնելու պատրվակով մեկ Հայաս-տան է ուղարկում Դենշապուհին՝ հանձնարարելով հող նախապա-տրաստել կրոնափոխության համար: Պաշտոններից հեռացվում են հա-զարապետ Վահան Ամատունին, գլխավոր դատավարությունն իրա-կանացաբար կաթողիկոսը. նրանց տեղում համապատասխանաբար պարսիկ պաշտոնյա և մոգապետ են նշանակում:

Հալածանքներ են սկսվում նաև քրիստոնյաներից կազմված կայա-գորային զորամասերում: Հավատը չուրանալու համար շատ զինվոր-ներ և ավագներ ենթարկվում են տանջանքների և բանտարկվում: Հալածանքների միջոցով հաջո-



Ս. Ղևոնդ Երեց

ղության չհասնելով՝ Հազկերտը 449 թ. հրովարտակ է ուղարկում Հայաստան, Վրաստան և Աղվանք՝ հրամայելով հրաժարվել քրիս-տոնեական հավատից և ընդու-նել զրադաշտականություն: Սրան անմիջապես հաջորդում է մերժո-ղական պատասխանը, որից զայ-րացած՝ Հազկերտ Երկրորդ շահը պահանջում է, որ հայ նախարար-ները ներկայանան Տիգրան: Հայ նախարարները, կեղծ ուրացու-թյան դիմելով, հնարավորություն են ստեղծում վերադառնալու հայրե-նիք և նախապատրաստելու ապս-տամբության հզոր ալիք՝ ընդդեմ Պարսից տերության:

Սուրբ Հովսեփ Առաջին Հոգոց-մեցի Հայրապետը և հոգևորակա-նաց դասը դիմում են ժողովրդին՝ կոչ անելով դիմակայել հավատա-փոխությանը, հավատարիմ մնալ Քրիստոսին և ոչ մի զնով չհրա-ժարվել ինքնության մաս կազմող քրիստոնեությունից: Նրանց հա-ջողվում է այդ գաղափարի շուրջ համախմբել ժողովրդին և առաջ-նորդել սրբազան պայքարի:

Առաջին դիմակայությունը Ղևոնդ Երեց Վանադեցու գլխավորու-թյամբ տեղի է ունենում Ծաղկոտն գավառի Անգո ավանում, որտեղ ժո-



Ս. Հովսեփ Ա Հոգոցմեցի

ղովուրդը, չհանդուրժելով սրբապո-ծությունը, այլևս համբերությունը կորցրած, հարձակվում է եկեղե-ցին կրակարանի վերածող պարսից մոգերի վրա և կրակարանն ավե-րում. «....Դազանակները ձեռքերն առած՝ մոգերի ու մոգապետի գլուխ-ները ջարդեցին, բոլորին փախցրին իրենց կացարանները, իսկ իրենք պաշտամունքը վերսկսելով եկեղե-ցում՝ կիրակնօրյա կարգն էին կա-տարում» (Եղիշե, Վարդանի և հա-յոց պատերազմի մասին, Երևան, 1958, էջ 56):

Վճռական ճակատամարտի օրը՝ մայիսի 26-ին, և դրանից հետո՝ պայքարի ողջ ընթացքում, հոգևո-րականները եղան հայոց զորքի և ժողովրդի կողքին: Խաչն ու զեն-քը համատեղած՝ նրանք մարտն-չում ու ոգեշնչում էին զորքին և աշ-խարհագրին՝ արիաբար կռվելու առանց մահվան վախի:

Նախքան ճակատամարտը նրանք պատարագ մատուցեցին և Տիրոջ կենարար Մարմին ու Արյունը բաշխեցին ողջ զորքին: Մտառու և ոգեկոթով էր Սուրբ Ղևոնդ Երեցի խոսքը. «Դուք բո-լորդ գիտեք, որ առաջվա ժամա-նակները, երբ դուք պատերազմ էիք գնում, թեպետև սովորություն

ունեիք քահանաներին միշտ բա-նակում պահել, բայց ճակատա-մարտի ժամանակ ձեզ հանձնելով նրանց աղոթքին՝ որևէ ամուր տեղ էիք թողնում նրանց, իսկ այսօր եպիսկոպոսները և երեցներն ու սարկավագները, սաղմոսերգու-ներն ու գրակարդացները, ամեն մեկը սահմանված կանոնով իբրև սպառազինված և պատերազմի պատրաստված՝ կամենում է ձեզ հետ միասին հարձակվել ու ջարդել ճշմարտության թշնամիներին: Եվ եթե նույնիսկ մեռնեն էլ նրանց ձեռ-քով, այդ բանից էլ չեն վախենալու, որովհետև ավելի սիրով մեռնել են ուզում» (Եղիշե, էջ 103):

Պատերազմից հետո ձերբակալ-վեցին ապստամբության մեջ դեկա-վար ճանաչված նախարարներն ու հոգևորականները: Հոգևորական-ների թվում էին Սուրբ Հովսեփ Հո-ղոցմեցին և Սուրբ Ղևոնդ Երեցը: 452 թ. պարսից արքունիքը դատ է սկսում ձերբակալված իշխանների ու հոգևորականների դեմ: Երեսու-նյոթ նախարար, Հովսեփ Կաթողի-կոսը, Ղևոնդ Երեցը, Սահակ Եպիս-կոպոսը, Մուշե, Արշեն և Սամվել Երեցները, Աբրահամ, Քաջաջ սարկավագներն աքսորվում են սկզբում Վրկան, այնուհետև Ապար աշխարհ՝ Խորասանի Նյուշապուհ քաղաք, որտեղ պահվում են կա-պանքների մեջ: Պարսից արքունի-քը, նրանց շարունակ ամեն տեսա-կի չարչարանքների ենթարկելով, փորձում էր հավատուրացության մղել, բայց ապարդյուն: Ի վերջո, 454 թ. Հազկերտ Բ-ի հրամանով հո-գևորականները մատնվեցին տան-ջալից նահատակության:

Նյուշապուհ բերդում անասելի չարչարանքների ու կտտանքների մեջ անգամ հոգևորականները չու-րացան հայրենի հավատը՝ Քրիստո-սին, դրսևորեցին հերոսական, ան-հողորդ կամք ու վճռականություն: Երբ դաիծը մոտենում է՝ նրանց

սպանելու, Ղևոնդ Երեցը Հովսեփ Կաթողիկոսին խնդրում է առաջի-նը մոտենալ սրին, որովհետև նա է բոլորից աստիճանով բարձր. «Մո-տեցիր, առաջ գնա սրի դեմ, որով-հետև աստիճանով դու բոլորից բարձր ես» (Եղիշե, էջ 159):

Սուրբ Եղիշե պատմիչը հոգևո-րականաց դասի մասնակցությու-նը Վարդանանց պատերազմին ներայացնում է հետևյալ կերպ. «Նրանք էլ ամենևին չվախեցան պատերազմի գնալ նրանց հետ, քանի որ ոչ թե մարմնական էին համարում այդ կռիվը, այլ հոգևոր առաքինության կռիվ. ցանկա-նում էին իրենք էլ քաջ զինվորնե-րին մահակից լինել» (Եղիշե, էջ 92):

Ղևոնդյանը Վարդանանց հետ միասին դարձել են մեր ազգա-յին դիմադրողականության ոգին: Ղևոնդ Երեցը սերունդների կող-մից արժանացել է «Ավարայրի ար-ծիվ» պատվանունին: Այսօր էլ հայ հոգևորականը նրանց օրինակով կանգնած է հայոց բանակի կողքին՝ խաղաղության թե պատերազմի ժամանակ, թիկունքում թե առաջ-նագծում:

Ղևոնդյանց քահանաների տոնը Հայոց եկեղեցում կատարվում է Բուն բարեկենդանի նախորդ երեքշաբթի օրը: Տոնին Մայր Աթոռ Սուրբ Էջմիածին են գալիս թե-մերում սպասավորող հոգևորա-կանները՝ մասնակցելու Միածնա-էջ տաճարում մատուցվող սուրբ և անմահ պատարագին: Պատա-րագից հետո ավանդաբար տեղի է ունենում քահանաների հավաք, կատարվում է շնորհաբաշխու-թյուն: Ի գնահատություն Հայոց եկեղեցու անդաստանում երկա-րամյա վաստակի՝ քահանաներին շնորհվում է ավագ քահանայու-թյան, ծաղկյա փիլոն և լանջախաջ կրելու իրավունք:

Մարիամ ՀԱՐՈՒԹՅՈՒՆՅԱՆ

Վարք հայրենասիրության

*«Հայրենասիրությունը բանաձևելու կարիք
չունի. նրանով պիտի ապրես, գործես,
արարես»:*

*Գարեգին Բ
Ամենայն Հայոց Կաթողիկոս*

Վարդանանց ոչ թե ձևակերպեցին հայրե-նասիրությունը, այլ կրողը եղան նրա՝ խոր-հրդանիշ դառնալով հայրենամովիրումի: Վար-դանանց անունը դարեր ի վեր հնչել է որպես քաջության և ազգամովիրումի բարձրագույն հոմանիշ՝ հայ մարդու մեջ արթնացնելով որ-դիական ջերմեռանդ զգացմունք առ հայրե-նին: Ազգային արժանապատվության բարձր գիտակցությամբ, սրտառու և անձնուրաց հայրենասիրությամբ, անցկուն կամքով ու հերոսությամբ՝ Ավարայրի հերոսամարտը դարեր շարունակ ոգեպնդել է մեզ, մղել ուխտելու՝ անդրուժ մնալ Վարդանանց ոգուն և գաղափարին: Անձնուրաց հայրենասիրու-թյան և աներեր հավատի այս ավանդությունը պատմական բախտորոշ մի ժամանակաշր-ջանի մասին է, երբ հայ ժողովրդի առաջ ձուլված վտանգն էր ծառացած, և պետք էր վճռական ընտրություն կատարել ինքնության կորստի և կենաց ու մահվան պատերազմի միջև: Դա և՛ հոգևոր, և՛ հայրենյաց պատե-րազմ էր միաժամանակ:

Արշակունյաց արքայատոհմի անկումից հետո թագավորական կենտրոնացված իշ-խանություն չկար, և համախմբման կարևոր գործոն էր Հայոց եկեղեցին: Պարսից ար-քունիքը փորձեց տկարացնել և ձուլել հայ ժողովրդին դավանափոխությամբ՝ այդպես հասնելով իր իշխանության բացարձակ հաս-տատման: Հարկերի ճնշման ծանրությամբ հաջորդեց հավատափոխության պահանջը,

որին ի պատասխան, վկայակոչելով Պողոս առաքյալի խոսքերը, հայոց կողմից ազդա-րարվեց. «Այս հավատից մեզ ոչ ոք չի կարող հախսել, ոչ հրեշտակները և ոչ մարդիկ, ոչ սուրը և ոչ հուրը, ոչ ջուրը և ոչ էլ որևէ այլ դառն հարված»: Հայ ժողովուրդը որոշեց կռվել և լինել լինել հավատարիմ մնալով իր դավանադեմին և ինքնությանը: Զինվորական թե հոգևորական իրենց անձնվեր վարքով ու ամուր հավատքով վաստակեցին այդ իրա-վունքը:

Ավարայրում կռվող հիմնական և առաջ-նորդ ուժը հայ ժողովուրդն էր, որն իր կամ-քը թելադրեց ուխտապահ իշխաններին և հոգևորականությանը: Վարդանն ինքը հավաքական կերպար է, հայ ժողովուրդն է, որ ստանձնեց հայրենի երկրի բախտը և հա-րևան վրաց ու աղվանից ժողովուրդների հետ «կամաւ և յօժարութեամբ» դաշն կապած՝ իջավ Ավարայր՝ զենքը ձեռքին կռվելու այն բարձր գիտակցությամբ, որ անփառունակ կյանքից փառավոր է հերոսական մահը, և լավ է մեռնել կանգնած, սուրը ձեռքին, ռազմի դաշտում, քան սողալ թշնամու ոտ-քերի տակ: Հայ հոգևորականությունը ևս չվարանցեց պատերազմի դուրս գալ, քանի որ, Եղիշեի վկայմամբ, մարմնական չհամա-րեց այդ կռիվը, այլ հոգևոր առաքինությամբ, և ցանկացավ մահակից լինել քաջ զինվորին: Եվ այդ հոգևորականները՝ Սուրբ Ղևոնդյանը հավաքական անունով, իրենց փառավորե-ցին սրբի լուսապսակով, որոնց հիշատակը Հայոց եկեղեցում տոնախմբեցինք այս երեք-շաբթի՝ փետրվարի 25-ին:

Վարդանանց օրինակն ապացույցն է այն անվիճարկելի ճշմարտության, որ, ինչպես Գարեգին Ա Հայրապետն է ասում. «Քրիս-

տոնեական հավատքը հոգեկան արիության աղբյուր է և ոչ թե խուսափումի ճանապարհ»:

«Վախը թերահավատության նշան է,— ճա-կատամարտից առաջ իր զորքին պատգա-մում էր Վարդան Մամիկոնյանը,— թերա-հավատությունը մենք վաղուց ենք մերժել մեզանից, նրա հետ վախն էլ թող փախչի մեր մտքերից ու խորհուրդներից»: Սպարապետը տատանումներ չունեց, որովհետև արդարա-ցի էր իր պայքարը, հայրենի հողի վրա իր ժողովրդի ապրելու իրավունքն էր պաշտպա-նում, և նվաճեց այդ իրավունքը՝ զոհասեղա-նին դնելով ողջ ունեցածը:

Զխորանալով պատմական փաստերի ընթացքում մեջ՝ նկատենք, որ պարսից կող-մը հաշվի էր առել հայոց զորքի փոքր թվա-քանակը, բայց հաշվի չէր առել ոգեկան այն հզոր ուժը, որ հայ մարդուն առաջնորդեց ռազմադաշտ՝ իր հայրենիքը, հավատքը, ազգային տեսակը պաշտպանելու: Եվ հենց այդ ոգին պետք է վերարթնանա մեր մեջ այսօր, երբ մեր հայրենիքը վերքեր ունի, և մենք պետք է դրսևորենք մեզ իբրև հոգա-տար զավակ, որ չի լքում կարեվեր ծնողին, այլ բուժում և զորացնում է նրան: Մեր կա-պը նախնիների հետ վերանորոգելու, նրանց նվիրումի օրինակով քաջալերվելու պահ է նաև այսօր:

Այո, Ավարայրը դեռ չի ավարտվել. այ-սօր էլ շարունակում ենք գոյության պայքա-րը՝ արյամբ սրբացված մեր հողն ու մեր ազ-գային ինքնությունը պահելու համար: Ուստի Վարդանանց օրինակով զորացած՝ մուտք գործենք Մեծ պահքի շրջան և չերկնջենք, այլ Տիրոջ օգնականությանն ապավինելով՝ ընթանալով առաջ այն հաստատ համոզմուն-քով, որ արդար է մեր պայքարը, և անբեկա-



Հովհաննես Ավագովսկի, Երրում
Ավարայրի ճակատամարտից առաջ.
Վարդան Մամիկոնյանը և իր որդին, 1892 թ.

նելի՝ մեր հավատքը: Վերագտնենք հոգեկան կապը մեր քաջ նախնիների հետ, զգանք հայրենի հողի ուժը և ստանձնենք քաղցր պարտավորությունը նրա պաշտպանության և զորացման:

Տ. Հարություն քին. ՀԱՎՈՐՅԱՆ

Անդրանիկ Չորավար — 160

(նամակահի)

Հովհաննես Թումանյանը
Անդրանիկին
1917, դեկտեմբեր 23, Թիֆլիս

Սիրելի Անդրանիկ, ահավոր մոտենտի առջև ամեն մարդ պետք է ընդհանուրի սեղանին բերի ինչ որ ունի և կարող է՝ թե՛ վերահաս վտանգը կանխելու և թե՛ բաղձալի խաղաղությանը հասնելու համար։

Ես չորս տղա ունեմ, չորսն էլ երկրի կառավարության, Ազգային խորհրդի և քո տրամադրության տակ են, իսկ չորս աղջիկներս էլ պատրաստակամ գնում են թիկունքի աշխատանքներին, ինչի որ ընդունակ կլինեն։

Ես էլ, անշուշտ, սրանից թանկ ոչինչ չունեմ, հետևաբար ոչինչ չեմ խնայել, միայն թե կարողանամք բոլոր ազնիվ ժողովուրդների և ազատասեր հոգիների հետ միասին ետ մղել վերահաս վտանգը և պաշտպանել ամենքիս սրբազան իրավունքներն ու ազատությունը։ Մնամ անասան հավատարիմ քո՝ շատ փոքորիկների մեջ ձեռք բերած փորձառությանը, վառ հայրենասիրությանն ու ազատասիրությանը, այլն բնական մարդասիրությանը ու զինվորական բարձր տաղանդին և պատրաստ գալու, երբ որ կկոչի քո եղբայրական ձայնը։ համբուրում եմ հերոսական ճակատը։

Միշտ քո Հովհ. Թումանյան

Հ. Գ. Սրա հետ միասին, որովհետև ես եմ կարծիքին եմ, որ ամեն մի հայ այժմ պետք է իրեն դնի կամավոր տուրքի տակ, պարտավորվում եմ ամսական հարյուր ռուբլի տալ էս նպատակով մեր ընդհանուր գանձարանին։

Անդրանիկը Հովհ. Թումանյանին
Բաց նամակ
Բանաստեղծ Հովհ. Թումանյանին

Սիրելի Հովհաննես

Ես հրճվանքով կարդացի նամակդ։ Հասած է ժամը, որ բոլորը նմանեն քեզի՝ տրամադրելի ընելով իրենց զավակները և դրանք հայրենիքի պաշտպանության գործին։ Պետք է մոռանալ պահ մը զրիչը՝ փոխարինելով սուրին, ստեղծելու համար հայրենիքը, որուն խաղաղ ծոցին մեջ միայն կծաղկի գեղարվեստի կյանքը։

Ես շատ զգացված եմ քո բարձր տրամադրությունեդ և կիռսամ, որ մեր բովանդակ մտավորականությունը կհետևի քու օրինակին, և այսպիսով կդարբենք մեր սրբազան ազատությունը։

Քոյդ՝ Անդրանիկ

Անդրանիկը Հովհ. Թումանյանին
1918, 22/4 Մայիս, Գորիս

Հարգո սիրելի պ. Հովհաննես Թումանյան

Ճանապարհներու և հաղորդակցության խափանման հետևանքով մոտ յոթը ամսվա ակամա կղզիացում եմ վերջ այսօր քիչ շատ հնարավորություն կունենամ գրելու Ձեզ և հայտնելու այն ամենը, ինչ որ կատարվեցավ իմ շուրջը այդ ժամանակամիջոցի ընթացքին։

Կռվի ժամանակ միշտ հառաջապահ դիրքերու մեջ, իսկ քաշվելու ժամանակ ամենն վերջը, գաղթականությունը միշտ առաջ ձգած, Հայկ<ական> առանձին հարվածող զորամասս իր դերը կատարեց անշուշտ իր կազմութենեն 10 ապր<իլ> մինչև Դիլիջանի շուրջը տեղի ունեցած պատմական ընդհարումներու միջոցին։ Հունիսի սկզբներուն Ն. Տ. զորամասը

կգտնվեր Դիլիջան իբր սահմանապահ զորամաս, երբ սպիտակ դրոշակով թուրք պատգամավորություն մը հայտնեց, թե հաշտությունը արդեն կնքված է Բաթումի մեջ թուրք կառավարության և Հայաստանի Հանրապետության միջև։

Հաստատապես վերահաս լինելով հաղթության դաշնագրի բոլոր այն նվաստացուցիչ և ունե հեղափոխական հայու համար անհամարժեքի պայմաններուն, որով հայությունը կհամաձայներ թաղել իր դարերու երազը, ընդունել չափազանց մեղ և ամենամապետեք երկրամասի մը Հայաստան կոչվելը, թույլ կուտար թշնամի ուժերուն ամեն կերպ օգտվի բոլոր տեսակի փոխադրական միջոցներե և ճանապարհներե։ Այն ատեն ինձ անհամար թվաց, որ կարենամ իմ զորամասով մնալ ունե դիրքի վրա և թույլ տալ, որ թշնամի ուժը անցնի՝ գնալ կռվելու համար դաշնակից, ազգակից ուժի մը դեմ։ Այդ պարագան ինձ համար ավելի քան անհամարժեքի էր։ Հետևապես ամեն ջապես տեղեկացուցի կորպուսի հրամանատարության, որպեսզի ուրիշ ուժեր գան և փոխարինեն իմ զորամասը։

Այդ պահանջես վերջ նկատի ունենալով այն լճացած, ստրկացած մթնոլորտը, բոլոր այն երևակայելի դժբախտությունները, որոնք կսպառնային Հայկ<ական> Հանրապետության և հայ ժողովուրդին, վճռեցի անցնել Պարսկաստանով և միանալ դաշնակից անգլ<իական> բանակին, որու շնորհիվ միայն կիռսայի փրկել թրքահայության վերջին բեկորները։ Իմ այս որոշումն հաղորդեցի մասնավոր պատգամավորներու միջոցով Վեհափառ> կաթողիկոսին, Հայաստանի Ապահովության խորհրդի երևանի Մարմնին, տաճկահայ զորամասերուն և առհասարակ թուրքահայ ժողովուրդին։

Իմ ցանկությունս էր, որ թուրքահայ զինված մասը դուրս գա այդ սահմաններեն։ Իսկ գաղթականությունը տեղավորվի Հայաստանի սահմաններու մեջ համեմատաբար ապահով շրջանները՝ Նոր Բայազետ, Ախտա և Դարալազյազ։

Դժբախտաբար, տաճկահայ զորամասերը զանազան պատճառներով հարկավոր փութկոտությամբ չմիացան զորամասիս, և միայն փոքր խմբակները աճապարեցիմ գալ ինձ մոտ, այն էլ ուշ։

Մյուս կողման է ալ, դժբախտաբար, գաղթականությունը ամբողջ ճանապարհին, հակառակ իմ հորդորներուս, չթողեց զորամասը և ամեն տեղ հետևելով անոր, մույնիսկ առաջ անցավ և իր անկարթություններով, սանձարձակություններով մեծագույն հարվածը տվավ զորամասի թե ռազմական, թե պարենավորման գործին և թե առհասարակ անոր հմայքին։

Չորամասը գնալով ստվարացավ, և Նոր Բայազետեն մեկնելու անոր թիվը հասավ մոտ 3500՝ 2 թնդանոթով և 6 փուլեմյոթով։ Հունիս 12-ին մեկնեցա Նոր Բայազետեն դեպի Ղարաբաղ, ուսկից Քարազուլիս, Քեշիշեքեն, Հախլու, Աշատեն, Սիս, Սուլթանբեկ, Սալասուչ, Խալխալի միջով անցա Նախիջևան։

Հունիսի 20-ին հասնելով Նախիջևան՝ մի քանի տեղով քանդել տվի երկաթուղու գիծը, թունելները՝ խափանելու համար Շահթախթի կողմեն ունե փորձ կռնակս անցնելու։ Երկու օր հետո հանկարծակի բերելով և մանյովրով մը Ջուլֆայի մեջ (որպես թե գաղթականություն

մը անցնելու համար հայ և թուրք պատգամավորության ներկայացուցիչ) անցա Արագի կամուրջը՝ գերի վերցնելով թուրքական 20–25 ասկյարներ՝ 2 օֆիցերով։

Պարսկաստանի մեջ գտնված դաշնակից ուժերու մասին ոչ մի ստույգ տվյալ չունենալով՝ վճռեցի անցնել Խոյի վրայով Սալմաստ, ուր կար ասորական 2 պաթալյոն և 4 գունդ, Վանի զինված հայկական ուժը, որոնց հետ միանալով կիռսայի առաջ բերել ակտիվ գործունեության համար բավարար ուժ։ Հետևաբար, ավելի հարմար նկատեցի գնալ Խոյի ուղղությամբ։ Երկու օր հետո Սեյիտավարե 16 վերստ այս կողմ՝ Էվակնու թուրք գյուղի քովի բարձունքին վրա, ունեցա առաջին ընդհարումը թուրքական կանոնավոր պաթալյոնի հետ։ Այդ օրը միայն ձիավորներովս ջախջախիչ հաղթություն տարի այդ ուժի դեմ, և գրավեցինք 2 թնդանոթ և 3 փուլեմյոթ։ Նույն օրը զիշերով մտնելով Սեյիտավար, գտանք միայն 12 տեղացի հայեր, որոնք հայտնեցին, թե Սեյիտավարը կոտորված է արդեն նախապես, և որ ասորիները՝ թուրքական ուժերու ճնշման տակ քաշվել են Ուրմիա, և Սալմաստը ամբողջովին գաղթած է։ Այս պարագան վճռական ազդեցություն ունեցավ զորամասի գործունեության համար։ Ինք օր առաջ այդ շրջանը եկած էր մեկ դիվիզիա տաճկական զորք, այնպես որ դրությունը լրջացած էր։

Հաջորդ օրը՝ հունիս 24-ին (ն. տ.), Խոյի առաջ տեղի ունեցավ մեծագույն ճակատամարտը։ Առավտուն թշնամի ուժերը սակավ էին, և մեզ հաջողվեց մտնել քաղաքի մի մասը, բայց կեսօրե վերջ թշնամին օգնական ուժ և հրետանի հասնելով, վերոհիշյալ տվյալներուն վրա հնարավորություն չտեսա ավելի հառաջանալու, և զորամասը նահանջեց ետ՝ տալով մոտ 70 սպանված և մոտավորապես մույնքան ալ անհայտ։ Այս անհաջողության մեջ իր բաժինն ունեցավ նաև ձիավոր հրամանատարներեն մեկուն գործած սխալը, որով հնարավորություն տվավ թուրք ձիավորներուն անցնել մեր թիկունքը, և գաղթականության առաջ բերած փանիքան։

Անապարելով վերադառնալ Ջուլֆա, այնտեղ հավաքեցի զորամասը և ուզեցի անցնել Ղարաբաղ։ Ճանապարհին, սակայն, թուրքական Յաջի գյուղը ընդդիմություն ցույց տվավ՝ պահանջելով մեզմե 10 000 ռ. վճարը։ Մի ժամվա ընթացքին գյուղը մաքրվեցավ, և ձեռք ձգեցինք 2 թնդանոթ։ Անցանք Ազան և Դեր գյուղերը։ Այստեղ զորամասը ունեցավ իր ամենն ղաժան օրերը։ Հոգնածության, սնունդի բացակայության, Խոյի ճանապարհին խմած կեղտոտ ջուրերու և տաքի հետևանքով հառաջ եկավ համաճարակ։ Բժշկ<ական> միջոցները անբավարար, և ահա հառաջ եկավ զորամասի մեջ թուլացում և լքում։ Ուտելիքը զորքը իր ձեռքով կհայթայթեր արտեր քաղելով և աղալով։ Մոտավորապես 200 զինվոր մեռան հիվանդութեն։ Մեկ մասը, մոտ 400 հոգի, լքեց բանակն ու անցավ Ղարաբաղ։

Կուլեմայի բանակը մի քանի օրով հանգստացնել այդ շրջանը և ապա կազդուրվել վերջ անցնել Ղարաբաղ։ Այդ միջոցին Նախիջևանը անհանգիստ էր. թուրքերը թռուցիկներով հայտարարած էին, թե 3 օրեն կը մտնեն Նախիջևան։ Հաղորդագրություն կար, թե բոլշևիկները եկած էին Մուսալու, թե անգլիացիք Թավրիզ են, որ Թուր-



քիո մեջ հեղափոխություն է։ Տեղական հայությունը մտահոգ էր իր դրության մասին, և ահա շրջանի լիազոր Աշոտ Մելիք-Մուսայանցը և պարուչիկ Խարազյանը դիմելով ցանկություն հայտնեցին, որ զորամասը անցնի Նախիջևանի շրջանը, որ տեղական ուժերն ալ դրվեն իմ տրամադրության տակ, որ ես դիտատոր լինեմ, և շրջանը հայտարարվի Ռուսաստանի անբաժան մաս, որ ստեղծվի կառավարություն՝ 7 փորթվելներով, և խոստացան հանել տեղական 6000 զինված ուժ։ Այս առթիվ հրատարակված փաստաթղթերեն դուրս ինձ մոտ կմնան փաստաթղթեր, որոնց հրատարակումը կմնա ապագային։

Չորամասով միասին անցնելով Ապրակունիս՝ ձեռնարկեցի կազմակերպման և ազգաբնակչության զինաթափման գործին։ Այդտեղ երևան եկան տեղական կազմակերպության անօգտակարությունն ու անկերպարան վիճակը և ազգաբնակչության անբարյացակամությունը։ Ոչ զինվորներու մոպիլդագիան, ոչ զորամասի պարենավորումը, ոչ ձիերի ուտեստը և ոչ ալ զինվորներու այլ (շորեղեն, կոշիկ) կարիքները ամենափոքր չափով չկատարվեցան և չբավարարվեցան։ Մյուս կողման դեպքերը գահավիժեցին, և մինչ զբաղված էինք շրջանի զինաթափման գործով, Նախիջևանի վրա արշավեցին Շահթախտեն և միաժամանակ Ջուլֆայի ուղղությամբ տաճկական ուժեր՝ 2 պոլկ։ Լիազորներու ժողովեն մինչև կոշիկ տևեց 6 օր։ Սիսիան մնաց նաև Սասնի պոլկի 300 ձիավորները, որոնք սակայն Յապոնի հրավերի վրա շուտով մեկնեցան Դարալազյազ։ Տեղական ուժերը՝ անկազմակերպ և շատ սակավ, իսկ առանձին զորամասը՝ անբավարար և ուշացած։ Հետևաբար Նախիջևանը թողնվեցավ, և զորամասը ուժասպառ, հյուծված, Կզնուտի և Ղազանձիի թևերով քաշվեցավ Բիստ։ Այնտեղեն զորամասը Նազրվանով Օխձիի ձորով անցավ Ղափան՝ Կաթարսկի գավոտ։ Պարենավորման դժվարությունը ստիպեց ինձ անցնել Գորիս, ուր կիռսայի գտնել տեղական օժանդակություն։ Սակայն հուսացած չերմ օժանդակությունը չգտնելով և մյուս կողման ոչ մի միջոց չունենալով՝ զինվորներու կարիքները բավարարելու, հայտարարեցի զինվորներուն, որ ամեն ոք ազատ է՝ ուզողը կմնա, ուզողը կրնա հեռանալ։ Այս կերպով զորամասի մի մասը հեռացավ և գնաց դեպի երևան։ Ես ևս, ուզելով անցնել Սիսիան, ճանապարհին ստիպվեցա գտնվել Չանգեզուրի Կեդր<ոն>ական> Ազգ<ային> խորհրդի և Շու-

շինակի պոլկի ներկայացուցչի հրավերով Աղուտի-Վաղուտի թուրքական գյուղերը, որոնք ճանապարհը փակած էին և սպանած բազմաթիվ անցորդներ։ Անցնելով Սիսիան՝ զինակիցներես գլխավորները (Արտուշկան, Սմբատ) իրենց խմբապետներով և զորքով աճապարեցին անցնել Հայկ<ական> Հանրապետության սահմանները, թեև իրենց առաջարկեցի մի ժամանակ ևս մնալ, բայց չսեցին, իսկ ես որոշած էի չմտնել այդ սահմանները, այլ անցնել ուրիշ ուղղությամբ։ Իսկ ճիպե՞ցին և Պոնապարթը 75 ձիավորներով գնացին՝ ցանկանալով անցնել Ղարաբաղով Թավրիզ, բայց մնացի Մեղրի, ուր եմ այժմ։

Սեպտ<եմբերի> 4-ին Սիսիանի մեջ տեղի ունեցավ ժողովուրդ<ական> գյուղական ներկայացուցիչներու ընդհանուր ժողով, որոնք միաձայն խնդրեցին ինձ զորամասի հետ մնալ Սիսիան՝ թե տեղի պաշտպանության և թե ինքնապաշտպանության գործի կազմակերպման համար։ Մի քանի օր իմ զորամասի կազմակերպումով զբաղվել վերջ, ունեցա մոտ 1200 զինվոր, որմե 3 ռոտա, 540 հոգի ոտավոր, 5 ստունի, 400 ձիավոր, <անընթ> փուլեմյոթի կամանտա, 110 ապոզ և բժշկական սանհիտարներ և այլն։ Ապա ձեռնարկեցի Սիսիանի զինվորական ուժի կազմակերպման և հայտարարեցի մոպիլդագիա 20–30 տարեկաններու, որու հետևանքով մեջտեղ եկավ երեք ռոտա, որոնք դասավորվեցան հետևյալ տեղերը։ 1 ռոտա՝ Գյունրի <անընթ>, II՝ Բազարչա-Ղալաճը, III՝ Բնուհիս-Թագագյուղ-Ալելու։ Սեպտ<եմբերի> 10-ին ռազմական տեսակետով Սիսիանը ապահովեցնելու համար Ղազանձիի ուղղությամբ գալիք զորքերու դիմաց, դարձյալ Սիսիանի ժողովուրդական ներկայացուցիչներու որոշմամբ, քանդեցինք ու ավերեցինք ճոմարթու, Օրթագեղ և մասամբ Արասիս թուրքական գյուղերը։ Այս հրահանգով ամբողջ Սիսիանը վերածվեցավ հայկական շրջանի։

Այդ օրերուն տեղի ունեցած է Գորիսի շրջանի մեջ Զապուդի ձախող գործողությունը։ Շուշինսկի և Գանձակի զորամասերը, թվով 300 հոգի, իրենց պահեստներով ուզած էին անցնել Շուշի, որ ինքնզինեցին անկախ հայտարարել վերջ, ակնդետ կսպասեր ռազմամթերքի՝ Շուշի հասնելուն, և համաձայն տրված հրահանգի՝ հարկավոր քանակությամբ սայլեր և զինվորներ դրված էին արդեն Զապուդի և Հաքարուդի մյուս կողմը գտնված Ղարաղշլաղ գյուղը, որու ժողովուրդը հայտնի է իբր լավ կռվողներ։ ➔ էջ 8

Հայ պատմաճակարչության նախակարապետը, բազմատաղանդ ու բազմանվեր այրը

Վարդգես Սուրենյանց — 165

Նայ և համաշխարհային արվեստի ամնահանուն դեմքերից մեկը՝ նկարիչ, արվեստի տեսաբան, թարգմանիչ, Ս. Պետերբուրգի համալսարանի պրոֆեսոր Վարդգես Սուրենյանցը, ծնվել է 1860 թ. փետրվարի 27-ին Ախալցխայում՝ քահանա, կրոնի պատմության ուսուցիչ Հակոբ Սուրենյանցի ընտանիքում։ Կերպարվեստի հրաշալի աշխարհ է մուտք գործել նախ՝ Լազարյան ճեմարանում, ապա՝ Մոսկվայի գեղանկարչության, քանդակագործության և ճարտարապետության ուսումնարանի ճարտարապետության բաժնում, Մյունխենի գեղարվեստի ակադեմիայի ճարտարապետության և գեղանկարչության բաժններում գեղեցիկ ստեղծելու գաղտնիքների տիրանալով ու հոգեմտավոր գործունեությանն անհրաժեշտ իմացական պատվանդան ստեղծելով։

Նկարչական կարողություններն ի հայտ են եկել դեռ ճեմարանական տարիներին. «Մեր գծագրության և նկարչության ուսուցիչ շեյնը, որ շատ էր բարկանում նրանց վրա, ովքեր ձեռքով, առանց քանոնի և հինգ կոպեկանոցի օգնությամբ, ուղիղ գիծ և շրջագիծ չէին կարողանում քաշել, խոսք չէր գտնում գովաբանելու մեր Վարդգեսին, միշտ նրան մեզ օրինակ էր բերում և գուշակում էր նրան մեն ապագա. «Տղայք,— ասում էր նա,— ես մեռած, դուք կենդանի, ձեր ընկեր Սուրենյանցը ապագայում մեն նկարիչ պիտի դառնա, հիշեցեք այն ժամանակ իմ ասածները»»,— հիշում է Սուրենյանցի դասընկեր Երվանդ Շահազիզը։

Ճեմարանում ուսանելիս ապագա արվեստագետը հրապուրված էր ծաղրանկարներով ու ճեպանկարներով։ Նրա նկարչական ներուժը նկատում է համաշխարհային հռչակ ունեցող ծովանկարիչ Հովհաննես Այվազովսկին՝ ասելով. «Սա տղան ազգիս հպարտությունը դառնալու է»։ Գույմի ու զծի աշխարհը, սակայն, ինչպես քույրն է պատմում, նրան ձգում էր դեռ մանուկ հասակից։ Մյունխենյան ուսումնառական տարիներին, գեղանկարչությունից զատ, տիրապետում էր գծանկարչությանը, տպագրում ծաղրանկարներ։

Ճանապարհորդում է Իտալիայում, լինում Եվրոպայի հայկական կղզում Ս. Ղազարում. Մխիթարյանների գրադարանում ուսումնասիրում է հայ գրչության արվեստը, մանրանկարչությունը, պահպանված նկարների հիման վրա ստեղծում տեղի երևելիներից Ս. Բագրատունու, Մ. Չամչյանի, Ե. Թովմաճյանի դիմանկարները։ Լինում է նաև Պարսկաստանում։ Մի կարծ ժամանակահատված գեղանկարչություն և արվեստի պատմություն է դասախոսում Գևորգյան ճեմարանում։ Անիում, Սևանում և հայրենիքի այլ վայրերում եղած ժամանակ ծանոթանում է պատմական հուշարձաններին, էջմիածնի մատենադարանի հայկական նկարազարդ ձեռագրերին, առնչվում իրեն ծնած ժողովրդի առօրյային ու կյանքին։

Մոսկովյան, պետերբուրգյան գեղարվեստական անցուդարձի եռանդոտ մասնակիցներից ու կազմակերպիչներից էր, ընդունված ու զմահատված՝ մշակ արվեստային կենտրոնների կողմից. ապացույցը՝ նկարազարդում է ռուս նկարիչների 1-ին համագումարի (նրա կազմակերպիչներից էր) ծրագիրը և ազդագիրը, Կ. Կորովինի և ուրիշների հետ ստեղծում է պաննոներ («Հեռավոր Արևելք»), որոնք զարդարում են համագումարի դահլիճը։ Աշխույժ գործակցություն է ունենում նաև 2-րդ համագումարին։ Մասնակցում է նկարիչների

մոսկովյան, Լեոնարդո դա Վինչիի, Կուլինչիի անվան ընկերությունների և պատմանկարիչների (որի միության վարչության անդամ էր) ցուցահանդեսներին։ Ստերմական հարաբերություններ է ունենում արվեստի ռուսաստանցի մի շարք մեծերի հետ։ 1894-ին «Լքյալը» ստեղծագործությամբ մասնակցում է Պերեդվիժնիկների ընկերության 22-րդ ցուցահանդեսին։ Իր գեղանկարչական լեզվով, զուսպագրողությամբ ու պատկերաստեղծմամբ այս նկարը նորություն էր հայ կերպարվեստում։ Նկարում պատկերված անօթևան հայուհին մարմնավորում է իր ժողովրդի դրամատիկ, անհանգիստ, լարված վիճակը հայրենի հողի վրա։

19-րդ դարի 90-ականներին Սուրենյանցը հայ և համաշխարհային կերպարվեստի գանձարանին ի պահ է հանձնում իր ազգի անցյալի ու ներկայի որոշակի դրվագներ արտացոլող ստեղծագործություններ՝ «Ուսնահարված սրբություն», «Հեռիփսիմեի վանքը», «Շամիրամը Արա Գեղեցիկի դիակի մոտ» (1899) և այլն։ Վերջին նկարում, ինչպես նկատված է մասնագիտական գրականության մեջ, Սուրենյանցը նաև իր վերաբերմունքն է արտահայտում Արևմտահայաստանում տեղի ունեցող իրադարձություններին նկատմամբ։

Ճանապարհորդում է Եվրոպական երկրներում՝ Ավստրիայում, Ֆրանսիայում, Իսպանիայում, արդյունքը՝ նոր տպավորություններ՝ վերածված արվեստի մշտահմա գործերի, որոնցից է «Ալիամբրա. Իսպանիա» (1898) չափերով փոքր, բայց մեծարժեք կտավը։ Իսպանական շարքը ցուցադրվում է «Պատմանկարիչների միության» 3-րդ ցուցահանդեսում։ Այս և նախորդ ճամփորդությունները հղկում են նկարչի ճաշակը, հարստացնում արարական արվեստանոցը։

Բոլորովին նոր կտավներ են 20-րդ դարի 10-ական թթ. ստեղծած գործերը՝ «Անի. կանանց ելքը եկեղեցուց» (1906), «Սալոմե» (1907), «Չաբել թագուհու վերադարձը գահին» (1909), «Ասպետ կինը» (1909), «Ա. Գ. Իդելսոնի դիմանկարը» (1913), «Ֆիրդուսին կարդում է «Շահ-Նամեն» պոեմը Մահմուդ Ղազնևիին» (1913), որոնք առանձնահատուկ տեղ ունեն հայ գեղանկարչության զանազանում։

«Մկրտիչ Խրիմյան կաթողիկոսը» դիմանկարը (1906) Սուրենյանցը վրձնել է մի պատմաշրջանում, երբ ցարիզմի հակահայ քաղաքականությունն ուժգնացել էր՝ փակվում էին հայկական դպրոցները, արգելվում էր հայկական պարբերականների հրատարակությունը, որոշվել էր բռնագրավել և պետականացնել Հայ եկեղեցու գույքն ու կալվածքները։ Բնականաբար այս ամենի առնչությամբ ասելիք ու անելիք պիտի ունենար Հայ եկեղեցու գահակալը՝ ի պաշտպանություն առաջնորդյալ եկեղեցու ու հոտի։ Մեն արվեստագետը ծերունագարդ Հայրապետին պատկերել է՝ աթոռին մատած, ձեռքերը բռնցքած, առջևում՝ գետնին մետված հակահայ իրահանգ պարունակող ցարական չքացված նամակը։ Թվում է՝ Ամենայն Հայոց Հայրապետը պիտի զայրացած լիներ, աչքերում վառվեր ատելություն,

բայց, ոչ, Խրիմյան Հայրիկի հայացքը հանդարտ է, զուսպ, թվում է՝ աչքերում անգամ մի փոքր պայծառություն, կայծ կա, կեցվածքն անվրդով է և ինքնավստահ։ Մեն արվեստագետը, Կաթողիկոսին նման կերպ ներկայացնելով, հավանաբար կամեցել է ցույց տալ նրա վստահությունն առ այն, որ ոչ մի օտար մվաճող ի գործու չէ հայ ժողովրդից խելու իր ինքնությունը, որ հայ ժողովուրդն իր իմաստուն էության ու պայքարի շնորհիվ դա թույլ չի տա, որ մամ փորձերը միշտ՝ իբրև չքացված, անպատասխան մամակ, գետնին կնետվեն, և այս ամենը՝ ոչ միայն իբրև Հայ եկեղեցու առաջնորդի հանդգնումը, այլև որպես բացարձակ ճշարտություն, պատգամ՝ հղված իր ժողովրդին։

Սուրենյանցը հայ արվեստի կյանքի կազմակերպիչներից էր նաև. 1915-ին Ա. Քալանթարյանի, Ն. Աղոնցի, Տ. Տեր-Վարդանյանի և նրա նախածեռնությամբ Պետերբուրգում ստեղծվում է «Գեղեցիկ արվեստների հայկական ընկերություն»-ը, Ե. Թադևոսյանի, Մ. Սարյանի, Փ. Թերլեմեզյանի և ուրիշների հետ համագործակից՝ 1916-ին Թիֆլիսում հիմնադրում է «Հայ արվեստագետների միություն»-ը։

Կերպարվեստագիտությունը Սուրենյանցի որոշ գործերում նկատել է մոդեռն ոճի ազդեցությունը։ Ուսումնասիրողները նրա արվեստում նկատել են նաև տարրեր, որ հիշեցնում են հայ մանրանկարիչների գունապլաստիկական պարզությունը, իր ժամանակի եվրոպացի որոշ արվեստագետների գունային, գրաֆիկական հնարքներին պայմանականությունը։

Սուրենյանցի տաղանդը առանձնահատուկ փայլ է տվել նաև հայկական գրաֆիկային, հայկական և ռուսական գրքի նկարազարդման արվեստին։ Դեռևս 1899-ին Մոսկվայում «Կնեբել-Գրումսի» հրատարակչությունը հայ մեծ նկարչի ձևավորմամբ լույս է ընծայել Պուշկինի «Բախչիսարայի շատրվանը» պոեմը՝ ամենայն ռուսիո բանաստեղծի ծննդյան 100-ամյակի առթիվ։ Պատկերազարդել է Ա. Ծատուրյանի «Գրչի համաքները», Օ. Ուսայի «Երիտասարդ թագավորը», «Արքայադստեր ծննդյան տոնը», «Օծամանուկ և Արևհատ»-ը, «Մոլորություն», «Գառնիկ ախպեր»-ը, «Իմաստուն օձը», հայկական ժողովրդական հեքիաթներ, Մետերլինկի «Կույրերը», «Այնտեղ՝ ներսում», «Անկոչը» թատերգությունները, Լ. Տոլստոյի «Հաջի Մուրադ»-ը, Ժ. Ռոդենբախի, Ս. Լազերյոֆի և այլոց երկերը։ Սուրենյանցական հիշյալ նկարազարդումները 20-րդ դարի գրաֆիկական արվեստի բարձրամակարդակ մոտիվներ են։ Մ. Սարյանի հետ նկարազարդել է նաև Վ. Բոլոսովի կազմած «Հայ պոեզիան հնագույն ժամանակներից մինչև մեր օրերը» անթոլոգիան։ Հայկական ստեղծագործություններ ձևավորելիս նրա համար ազդակ և ակունք է եղել ազգային մանրանկարչությունը։

Սուրենյանցական անսպառ, անհատուն տաղանդի ուժը դրսևորվել է նաև բեմում։ Նա 20-րդ դարասկզբի ռուսական թատրոնի մշահավոր բեմանկարիչներից էր. 1901-ին Պետերբուրգի Մարիինյան թատրոնում Սուրենյանցի ձևավոր-



Վարդգես Սուրենյանց, «Լքյալը», 1894 թ.: Հայկական ջարդերից փրկված աղջնակը պաշտպանություն է փնտրում եկեղեցու բակում։

մամբ բեմադրվել են Ա. Ռուբինշտեյնի «Դև» օպերան, 1904-ին Մոսկվայի գեղարվեստական թատրոնում՝ Մ. Մետերլինկի «Կույրերը», «Այնտեղ՝ ներսում», «Անկոչը» պիեսները, Պ. Յարցկի «Վանքի մոտ» դրաման, 1905-ին Ա. Չեխովի «Ճայը» դրաման, 1906—1907-ին Վ. Կոմիսարժևսկայի թատրոնում Հ. Հեյդեբրգի «Սիրո ողբերգությունը» և այլն։

Չեխովն ու Սուրենյանցը ծանոթացել էին 1890-ականների վերջին Ղրիմում, որտեղ նկարիչն աշխատում էր Պուշկինի «Բախչիսարայի շատրվանը» նկարազարդումների ուղղությամբ։ Հենց Սուրենյանցն է նեմիրովիչ-Դանչենկոյի կողմից հրավիրվել՝ որպես նկարիչ-բեմահարդար աշխատելու Չեխովի «Ճայ»-ի ձևավորման համար։ Սակայն հայտնի է, որ դեռևս Մոսկվայի գեղարվեստական թատրոնի հրավերից առաջ Սուրենյանցին դիմել է Չեխովը. «Հարգելի Վարդգես Ակոպովիչ, վստահ եմ, որ հենց Դուք պետք է ձևավորեք «Ճայը»։ Ինձ համար դա շատ կարևոր է»։ Սուրենյանցի առջև պատասխանատու խնդիր էր դրված. «Ճայի» առաջին բեմադրությունը խայտառակ կերպով տապալվել էր, և Չեխովին տանջում էին սևեռում վախերը։ Սակայն պիեսի վերաբեմադրությունը մեծ հաջողություն է ունենում, և հաջողության գրավականներից ոչ վերջինը Սուրենյանցի բեմանկարներն էին։ Չեխովը բարձր է գնահատել հայ նկարչի աշխատանքները, Սուրենյանցը գորղին մվիրել է իր մի քանի յուղաներկ աշխատանքներ։

Սուրենյանցը նաև ուսումնասիրող, քննող, որոնող, մտային զորեղ կարողությունների տեր էր. վկայությունը՝ «Մի քանի խոսք եվրոպական նկարչության մասին», «Հայոց ճարտարապետության տեղը գեղարվեստի պատմության մեջ», «Գեղարվեստի նորագույն հոսանքները և հայկական ճարտարապետությունը» ուսումնասիրությունները, «Կլասիկ գեղարվեստի մասին» դասախոսությունը, որոնցում հառնում է պատմաբան, ազգագրա-

գետ, ճարտարապետության և արվեստի տեսաբան Սուրենյանցը։ Նա նաև մշակել է հայկական ճարտարապետական կոթողները վերականգնելու յուրահատուկ, ժամանակակից եղանակներ՝ «Հաղագս վերանորոգության տաճարի Աբ. Էջմիածնո», «Դարձյալ Էջմիածնի վերաշինության մասին»։

Գեղարվեստի հրաշագործ ու գիտակ լինելուց զատ՝ Վարդգես Սուրենյանցը միաժամանակ լեզվագետ էր. տիրապետում էր ռուսերենին, անգլերենին, գերմաներենին, իտալերենին, ֆրանսերենին, իսպաներենին, պարսկերենին և թուրքերենին։ Կատարել է բնագրային թարգմանություններ Շեքսպիրից, Գյոթեից, Հայնեից, թարգմանել է Հ. Հիլտերբրգերի «Ճանապարհորդություն» գրքի Հայաստանին վերաբերող հատվածը և այլն։

Չնայած Սուրենյանցը կրթվել, որպես արվեստագետ ձևավորվել էր հայրենիքից հեռու, այնուհանդերձ հայ էր ողջ էությանմբ, արյան բաղադրությամբ և մեն հայրենասեր էր։ Երվանդ Շահազիզը հիշում է, որ իրենց հանդիպումներից մեկի ժամանակ գեղանկարիչն ասել է. «Արդյոք մի օր էլ լույս աստղ կծագի մեր հարազատ երկրում, որ կարողանանք խաղաղ, անդորր մեր հացուլորով ապրել, մեր մաքուր օդով շնչել, մեր հովուգովով լիանալ, մեր հալալ աշխատանքով հագնալ. մեր տառապանքին արդյոք վերջ կլինի»։ Սուրենյանցի հայրենասիրությունը պարզորոշ երևում է նրա ստեղծած արվեստից։ Շահագիզի հուշերից իմանում ենք նաև, որ Սուրենյանցը է եղել Սպենդիարյանի «Ամաստ» օպերայի մտահղացման հեղինակը։ Նա է հորդորել Սպենդիարյանին հայերի պատմական անցյալից Թումանյանի ստեղծագործության նյութով մի օպերա գրել, և որպեսզի «հրահրած լինի նրան», ինքը նախապես պատրաստել է դեկորացիաները և գործող անձերի զգեստների նկարները։

Քահանայի որդի Սուրենյանցը՝ Հայ Առաքելան Եկեղեցու մվիրյալ զավակը, կյանքի վերջին օրերն անցկացնում է Յալթայի հայկական եկեղեցու տիրաշուկն հարկի ներքո. այնտեղ ստեղծում էր եկեղեցու որմնանկարները։

Մահացել է 1921 թ. ապրիլի 6-ին և թաղվել նույն եկեղեցու բակում։

Հայ պատմաճակարչության մեջ Սուրենյանցի կտավների շնորհիվ հավերժական կերպավորում ստացան Կիլիկիո ձապել արքայուհին, Գրիգոր Լուսավորիչ, Մակար Թեոդոսի, Խրիմյան Հայրիկի հայոց հայրապետները, Արա Գեղեցիկը, սովորական հայ մարդիկ, եղեռնից փրկված վասպուրականցի, շատախցի, մոկացի, վանեցի, բիթլիսցի, սասունցի և այլ զաղթականներ՝ իրենց տարազներով, էջմիածնի Մայր տաճարը, Հոփիսիմեի վանքը, Ամիր Անդեկանց վանքը և այլն։ Սուրենյանցի արվեստի աշխարհում տեղ ունեն նաև օտարները՝ Ֆիրդուսի, Սալոմե, Շամիրամ, Ամնա Գրիգորևնա Իդելսոն, Շահ Մահմուդ Ղազնևի....

Վարդգես Սուրենյանցը, հայ պատմաճակարչության առաջնորդ լինելուց զատ, հայ բնանկարչության, եկեղեցանկարչության, սրբանկարչության հռչակավոր վարպետներից է։ Առանձնանշելի է «Տիրամայրն ու մանուկ Հիսուսը» կտավը՝ Մարիամ Աստվածածնի նորովի կերպավորմամբ։ Սուրենյանցի կտավներում Հայ Առաքելական եկեղեցին ներկա է տիրականորեն։ Նրա արվեստը մի եղենական եզերք է մեր կերպարվեստի աշխարհում։

Հրաչյա ԲԱԼՈՅԱՆ (ԱՐՄԵՆՅԱՆ),
Բ. Գ. Բ.

Վարդանանց պատգամը ներկային

Տոներն առհասարակ ուրախության և ցնծության առիթներ են, որոնց միջոցով հասարակություններն իրենց միապադադ առօրյան երանգավորում են, մի պահ վերանում առկա իրականությունից։ Ազգային և եկեղեցական տոները, բերկրանքի և հպարտության միախառնությանը զուգահեռ, առիթ են նաև ինքնաքննության, անցած ճանապարհը վերաբերելու, հիշատակելով անցյալը՝ իմաստուն լուծումներ գտնելու ներկայի համար, ոգեկոչելով անցյալի հերոսներին և նրանց անցած ուղին՝ սովորելու նրանցից և ընթացքը ճիշտ կազմակերպելու։ Յուրաքանչյուր տոն, որ ժողովուրդները նշում են, պատգամ ունի ներկայի համար, պատգամ, որ ի զորու է իրավիճակ փոխելու, բարոյություններ հաղթահարելու և նոր գաղափարներով զինելու։

Սովորաբար ժողովուրդները նշանավորում են տոներ՝ հիշելու իրենց անցյալը, արժանություններ և զինվելու գալիքի համար։ Այն ժողովուրդները, որոնք իրենց ազգային ու եկեղեցական տոներին այս դիտարկումից չեն վերաբերվում, այդ տոները վերածում են սոսկ սովորույթի՝ զուրկ նշանակությունից և նպատակից։

Մեր ժողովուրդը ևս ունի բազմաթիվ տոներ, որոնք նշում է մերթ սովորույթի ուժով, մերթ գիտակցաբար և նպատակաուղղված։ Ներկա ժամանակին շատ կարևոր պատ-

գամ հղող տոներից է Վարդանանց տոնը։ Ամեն տարի հիշատակվում է այս տոնը, և որոշ մարդիկ անգիտակցաբար դժգոհում են հիշատակության ամենամյա պարբերականությունից, կրկնվող նույնությունից։ Այդ մոտեցումը գուցե մասամբ ճիշտ լիներ, եթե տոնին վերաբերվեք սոսկ որպես անցյալի իրադարձության։ Բայց, ինչպես նշեցի, տոնակատարությունները մենք պետք է ընկալենք ոչ միայն անցյալ ժամանակով, այլև ներկայի կտրվածքով՝ խորհուրդներ քաղելով օրվա համար։

Մենք այսօր նույնը չենք, ինչ էինք մի տարի առաջ։ Անցյալ տարի Վարդանանց տոնից մեզ ուղղված պատգամն անպայմանորեն այսօր նույնը չի կարող լինել, նոր ըմբռնում զգեցած կլինի։

Հանրահայտ է, որ այսօր ազգովին ապրում ենք շատ բարդ ժամանակաշրջանում և գոյութենական պայքար ենք մղում։ Վերջին տարիներին կորցրինք մեր հայրենիքի մի մասը, թշնամու կողմից բռնագրավվեցին հայրենական հողեր։ Այս բոլորի դիմաց, ցավով, մենք՝ որպես ազգ, համարժեք գործողություններ չենք իրականացնում, ընդհակառակը՝ պարտվողական դիրքերից հանդես գալով՝ խաղաղություն ենք մոլորում թշնամուց։

Խաղաղությունը մոլորակ է տրվում, այլ պայքարով է ձեռք բերվում։ Սիս՝ այս տարվա Վարդանանց տոնից մեզ հղվող գլխա-

վոր պատգամը։ Վարդան Մամիկոնյանն ու նրա զաղափարակիցները իմչ դիրք որդեգրեցին իրենց պարտադրված սպառնալիքի դիմաց՝ պայքար հանուն ազգային անվտանգության։

Վարդանանց հերոսները շատ լավ գիտակցում էին իրենց խաչը, սակայն հայրենիքի գերդաս սերը, Սուրբ Եկեղեցու և հատուկ նկատմամբ բացարձակ նվիրումն ու ջերմեռանդությունը նրանց մղում էին դիմադրելու։ Նրանք գիտակցում էին, որ թշնամին անհամեմատելիորեն զորեղ է իրենցից, սակայն հայրենասիրությունն ու աստվածասիրությունը շատ ավելի ուժեղ էին, քան թշնամու երևելի զորությունը։

Սեր, նվիրվածություն և հավատարմություն՝ երեք արժեք, որ ներկայումս բացակայում է մեր կյանքից։

Արդարև, եթե սեր ունենայինք, չէինք համարձակվի հայտարարել, թե մեր երկրի մի մասը թշնամունք էր։

Եթե նվիրվածություն ունենայինք, հակառակ ամեն տեսակի դժվարությունների՝ կպայքարեինք հանուն մեր երկրի անվտանգ խաղաղության և մանավանդ հանուն արդարության։

Եթե հավատարմություն ունենայինք մեր արմատներին, մեր անցյալին, մեր նախնիներին, ապա կգիտակցեինք մեզ ավանդածի արժեքը և ներկայումս, իբրև թե խաղաղ

ապրելու համար, ինքներս մեզ, մեր երկիրը չէինք նվաստացնի։

Հաջորդ կարևոր պատգամը, որ պետք է այսօր յուրացնենք Վարդանանցից, նրանց ոգին է։ Վարդանանց ոգին, արդարև, մեր ազգային կենսունակության և դիմագծի առհավատչյան է, առանց որի մենք մեր ազգային ինքնությունն ու արժեհամակարգը կկորցնենք։ Վարդանանց հերոսների ոգու գրավականը հայրենյաց հանդեպ նրանց բացարձակ սերն ու նվիրումն էր։ Այսօր փորձ է կատարվում այդ ոգին խամրեցնելու մեր մեջ՝ մնայուն կերպով օտար բարքեր, սովորույթներ և «արժեհամակարգեր» ներմուծելով մեր առօրյա։ Օտարամոլությունը, հայրենիքը մաս առ մաս հանձնելը, թուլամորթությունը դարձել են բնական և խրախուսվող երևույթներ։ Մի պահ պատկերացնենք՝ եթե Վարդանանց ևս նույն մոտեցումը կամ ընկալումն ունենային, ինչպես կվճռվեր մեր ժողովրդի ճակատագիրը։

Այսօր ավելի, քան երբևէ, մենք կարիք ունենք Վարդանանց ոգու վերագարթմունքի մեր մեջ, որպեսզի կարողանանք ամուր պահել մեր արմատները, հավատարիմ մնանք մեր նախնիներին, արժանավայել պահպանենք նրանց ժառանգությունը և այն ավելի զորացրած՝ փոխանցենք սերունդներին։

Վարանդ (Հակոբ) ՔՈՐԹՄՈՍՅԱՆ

Անդրանիկ Չորափար — 160

← էջ 6

Որոշված օրը ձորի երկու կողմեն ալ գործողություն ձեռնարկելով, կփորձեն բանալ ճանապարհը։ Սակայն Գորիսի շրջանի տեղական ժողովրդի չկամության, օգնության չհասնելու և Շուշիյանի պոլկի և բոլկովնիկի կողմեն անտակտ և թե՛ս վերաբերմունքի հետևանքով դարաղլաղցիք կման միմակ, և թուրքերը, համարձակություն ստանալով, թերեքեմի հետ միասին կքանդեն ու կայրեն գյուղը, իսկ բնակչությունը կգաղթ դեպի Շուշի։

Այս հաջողութենեն քաջալերված տեղական թուրքերը կփորձեն երկու ճակատով հարձակել Չամգեզուրի վրա՝ Կորիմձոր և Խանա-ժախ-խոզնավարի ուղղությունով։ Այդ հարձակման հետևանքով Չամգեզուրի ազգային խորհուրդն ու ազգաբնակչությունը կրկնակի պատգամավորություններով և համախոսականներով կլինդրեին, որ իմ զորամասով չտապ իրենց օգնության փութան։ Այս կոչերուն անշուշտ չէի կրնար անտարբեր մնալ, ուստի սեպտեմբերի> 16-ին շարժվեցա դեպի Գորիս։ Միմչև հասնելս, սակայն, շնորհիվ ռազմամթերքի առատության և ուղարկան ու գաղթական զինված ուժերուն հաջողվել էր ետ մղել հարձակվողները, պատճառելով անոնց զգալի կորուստ՝ 300 մարդ։

Միմչև այդ, հարաբերությունը Շուշիյա հետ կտրված էր, մանավանդ Ղարաղլաղի այրումով։ Այդ օրերուն տեղի թուրք և հայ իշխանությանց հրահանգով Շուշուց Գորիս եկան 3 զանգեզուրցիներ՝ պատմելու այն, ինչ որ տեսած էին այնտեղ։ Անոնք պատմեցին, որ թուրքերը գրաված են Բաքուն, մտած են Շուշի, ու սեպտեմբերի> 24-ին մի քանի գյուղ քանդել վերջ, որ քաղաքը հանձնված է և զինաթափ եղած, որ քաղաքի զինված ուժը քաշվեր է գյուղերը, և թե շրջանները ոչ մի պայմանով չեն ուզեր հպատակվել միաժամանակ թուրքերը ուղարկած էին պաշտոնագիրներ Գորիս բնակվող զանազան անձնավորություններու՝ նշանակելով անոնց գայմագամ և օգնական Գորիսի և Սիսիանի։

Շուշիի անկման լուրը ազդեց Չամգեզուրի տրամադրության վրա։ Եղավ ընդհանուր ներկայացուցչական ժողով, որ առաջի դիրքի վրա գտնված գյուղերու որոշումն էր՝ անպայման կռվել, իսկ քաղաքացիներեն մեկ մասը երկմիտ էր։ Վրդովված քաղաքացիներու ցույց տված այդ վերաբերմունքեն, մասամբ քաշվեցա Սիսիան, ուր շրջանի> ներկ<այացուցչական> ժողովը, նկատի ունենալով ռուսի լրջությունը, միաձայն որոշեց կռվել և հետևաբար հայտարարեց II զորակոչ՝ միմչև 40 տարեկաններու։ Այս զորակոչի հետևանքով կազմվեցավ մախկին 3-ի հետ միասին ընդամենը 7 ռոտա, որոնց վրա ավելացնելով իմ զորամասի 3 ռոտան, Շուշիյանի 1 ռոտան և Գանձակի 1/2 ռոտան, կլինի ընդամենը 111/2 ռոտա։

Այդ միջոցին կրկին անգամ բազմաթիվ պատգամավորներ գանագամ գյուղերե եկան իմ խնդրելու, որ օգնության գամ Չամգեզուրին, քանի որ նա կգտնվի թուրքական անմիջական սպառնալիքի տակ, և որ ժամեժամ կսպասվի թուրքերու հառաջխաղություն և քաղաքի անձնատվություն, որ Չամգեզուրի շրջանի> ներկ<այացուցչական> ժողովը միաձայն որոշած է կռվել, որ այդպիսի որոշում է տված և Ղափանը։ Կրկին մեկնելով Գորիս՝ այնտեղ հայտարարեցի մոպիլիզացիա 20—45 տարեկաններու, թե Սիսիանի, թե Չամգեզուրի և թե Ղափանի մեջ ժողովրդի տրամադրությունը բարձրացավ։ Բարձրացավ մանավանդ, երբ լուր ստացվեց, որ Հայաստանը միացած է դաշնակիցներուն, որ Բուկարիան զինաթափ է եղած, որ Չաթալճան կռմբակոծվի, որ թուրք զորքերը կքաշվեն թե Բաքվի և թե Ղարսկաստանի ֆրոնտը։

....Կա նաև 2 դաշտային թմրանոթ 400 <անընթ> և 8 փուլեմյոթ. միայն շատ կնեղվենք պատրոնի պակասութենեն, եթե ունեան հաջողություն լինի, պատճառը միայն այդ պիտի լինի։

Այժմ կգտնվիմ Գորիս. չեմ գիտեր ուրիշներ ինչ կխորհեն, և կենթադրեմ, թե իմ ըրածի մասին լավ չեն

խորհիր ու խոսիր, բայց անհամեսություն չի լինի, եթե հայտնեմ ոչ միայն իմ, այլև ամբողջ Չամգեզուրի, Ղափանի և Սիսիանի ազգային խորհուրդի և մանավանդ հայ ժողովրդի համոզումն է, որ եթե միմչև այսօր թուրքական ունե ուժ չէ մտած Չամգեզուրի կամ Սիսիանի կամ Ղափանի շրջանը, այդ բանը արդյունք է միայն իմ և իմ զորամասի ներկայության այդ շրջաններու մեջ։

Ինչպես անցյալի մեջ զորամասի ավելի արդյունավոր գործունեություն ունենալուն արգելել է առաջին՝ գաղթականության, երկրորդ՝ տեղական կազմակերպություններու թերությունն ու անգործունեությունը, թուլությունը. այսօր ևս այդ երկու գործոնները մեծ չափով արգելք են արդյունավետ գործունեության։ Չամգեզուրի և Սիսիանի շրջանին մեջ տասնյակ հազարավոր տաճկահայ, ռուսահայ, մախիզևանցի գաղթականությունը մերկ ու տված թափված է դաշտերու, ձորերու մեջ։

Ներկա ցուրտ եղանակին դեռ հազարներով գաղթականություն մնացած է, չէ տեղավորված և ոչ մի ապահովություն չունի վաղվա ուտեստի մասին։ Օրական հարյուրով կմեռնին ամուտ և կմնան անթաղ, որոնց հանդեպ պարզ է, որ անտարբեր չեն կարող մնալ։

Երևանեն հայությունը, դուրս չելալով իր կաշիեն և Բաթումի դաշնագրեն, չուզեր ոչ մի օգնություն ցույց տալ այս շրջանի գաղթականության և կապ պահել այստեղի կազմակերպություններու հետ, կարծեք այստեղի հայությունը խորթ լիներ. նույնիսկ այստեղեն ղրկված հատուկ պատգամավորության (Արտակ Շիրիմյան) պատասխաններ էին, թե «պետք է ամեն զիջում ընենք, նույնիսկ զինաթափ լինենք և գանք հեռացնենք Անդրանիկին», «խաչ քաշենք այդ հայության վրա», և մերժեց ռազմամթերքի և այլ օժանդակության մասին կատարված պաշտոնական դիմումը։ Ահա այս տեսակ ցինիկ և ստրկական խորհուրդներ տալե վերջ այդ հայկ<ական> կառավարությունը այսօր միայն լայն օրերուն կանդրադառնա Ղարա-

կարծեք։ Համենայն դեպս երևի շուտով կշարժվեն դեպի Շուշի՝ այնտեղի դրությունը շտկելու համար, իսկ անկե վերջ ոչինչ կարելի չէ ըսել և մախատեսել։ Կսպասիմ դեպքերուն կամ թե չէ շուտով բախտը կու-նենամ Ձեզ տեսնելու։

Բայց ինձ համար մեծագույն անբախտություն է, որ աշխարհե կտրված ենք. ոչ ուրիշներ մեր գործունեութենեն տեղեկություն ունին, ոչ ալ մենք ուրիշներուն գործունեութենեն։ Եվ միակ մտահոգությունս է, որ մեր պոռնիկացած, ստրկացած դիվանագետները այս անգամ ևս չպաշտպանեն տաճկահայ դատը, և այդ դժբախտ ժողովրդի այնքան արյունն ու տառապանքը ու խոյանքները մնան անհետևանք, և անոնց դիակներու կույտին ու վշտին վրա ուրիշներ, շահագործողներ կերտեն իրենց դիրքը, փառքը։

Նամակները տրամադրեց
«Հովհաննես Թումանյան»
թանգարանը

 ՔՐԻՍՏՈՆՅԱ ՋԱՅԱՍՏԱՆ Կրոնական, մշակութային, լրատվական երկշաբաթաթերթ Հիմնադիր՝ Մայր Աթոռ Սուրբ Էջմիածին Հրատարակիչ՝ «Քրիստոնյա Հայաստան» թերթի խմբագրություն Գլխավոր խմբագիր՝ Նարինե Հովհաննիսյան Գրանցման վկայական՝ 624 Խմբագրության հասցեն՝ Մայր Աթոռ Սուրբ Էջմիածին Հեռախոս՝ (010) 517 280 Էլ. փոստ՝ qristoryahayastan1@gmail.com qrsthay@etchmiadzin.am web կայք՝ krishayas.wordpress.com etchmiadzinlibrary.am/en/ kristonya-hayastan Ստոր. տպագր. 3.03.2025 թ. Տպաքանակը՝ 1265
--